



Diamars  
15 di Juli 2008  
[www.awemainta.com](http://www.awemainta.com)  
Margrietstraat #3, Oranjestad, Aruba  
Tel: 583-1400  
Fax: 583-1444  
Email: [noticia@awemainta.com](mailto:noticia@awemainta.com)  
Prijs: Afl. 1,50



# Cas di Aruba di antaño na candela ayera merdia

NA Aruba, poco ta ser haci pa salvaguarda casnan, estilo Arubiano, cu ta simbolo di con nos hendenan tabata biba anteriormente. Pesey e ta haci hopi dolor di mira con tipo di casnan ta bay perdi. Esaki tabata e caso ayera merdia, ora cu bomberonan a haya nan ta sali pa combati un candela cu a surgi den un cas banda di Misa di Playa. E cas aki no ta habita y pa cual ta ser investiga origen di e candela aki. Maske e no ta un cas habita, e candela tabata forma un peliger di expansion, cu ta loke cu bomberonan a combati y a logra tambe.

Parlamentario di RED Rudy Lampe papiando di caso FDNSN  
PG Fernandes Pedra tabata contra di e denuncia di Comision di Berdad  
**y Rudy Croes a pidi pa saca pruebanan original for di Griffie** •Pag. 3

# Andrea Alfonzo di Toetje Cafe a gana competencia di bolo di Digicel



E cantidad di hende cu a atende e evento di Digicel ayera a kibra tur expectativa. Un publico grandi a bay purba e bolonan cu mas di 35 participante a traha, entrenan aficionadonan y hasta panaderianan. E huradonan, forma pa un artista, un chef y gerencia di Digicel tabatin un trabou pisa pa scoge cua bolo ta pas mas cu e celebracion di 5 aña di e compania cu mas ta creciendo na Aruba, Antiyas, den caribe y te hasta awor den Centro America. Mester menciona cu tur e participantenan a ricibi un saco cu cantidad di regalo di Digicel aden como muestra di aprecio pa nan tempo y dedicacion den trahamento di e bolonan aki. E premio grandi di Afl. 1.000,- a bay pa Andrea Alfonzo di Toetje Cafe. E ultimo aki a traha un bolo grandi parti den cuater, den cual a enfoca riba tur e detayenan di celebracion di 5 aña di Digicel, incluyendo un mapa di Caribe cu tur e mercadonan di Digicel den dje. “Eigenlijk tur e participantenan aki ta un ganador pasobra nan tur a briya cu nan creatividad”, asina Michelle Winklaar a bisa na final di e competencia. E ehecutivo di e compania cu awe ta di fiesta a yama e participantenan danki pa nan contribucion y sosten durante e ultimo 5 añanan.



Entrante 1 di januari awor

## Dr. Horacio E. Oduber Hospital ta bay over na sistema digitalisa



**ACTUALMENTE** ta na Aruba, ehecutivonan di e compania Mericano, Cermer, kendenan ta dunando asistencia n'e personal di Dr. Horacio E. Oduber Hospital ya, cu pa dia 1 di januari awor, e sistema administrativo pa cuminsa, lo wordo digitalisa.

E ta un inversion cuantioso, cu di acuerdo cu informacion cu nos di AWE**Mainta** tin, ta alre-

dedor di 6.6 miyon florin.

Relaciona cu e proyecto aki mes, ayera tardi nos di AWE**Mainta** a papia cu Bob Harms, Relacionista Publico di HOH, kende a confirma cu esey t'e caso. Esta cu pa dia 1 di januari 2009, lo introduci e sistema nobo aki. Esaki Hospital mester haci, pasobra e sistema, e software cu HOH tin actualmente no ta

wordo traha mas. Consecuentemente henter e sistema aki ta birando dia pa dia mas obsoleto y como tal no tin otro alternativa, pa bay over na un sistema digitalisa.

Mester admiti si cu Dr. Horacio E. Oduber Hospital lo t'e prome hospital den region, cu lo tin e sistema aki di Cermer.

E sistema digitalisa aki ta haci

cu tur dato di paciente, no ta riba papel mas. Tur medico, lo tin e posibilidad di haya tur informacion di su paciente, den forma digitalisa (EPD). P.e. ora un dokter manda un paciente saca un X-Ray, e dokter no mester sinta warda te ora e haya e resultado riba papel, pero via di su computadora, e lo haya tur informacion. Pues e sistema aki ta uno masha amplio y moderno, según Bob Harms.

Prome cu su introduccion, sigur lo tin conferencia di prensa pa

duna splicacion di e sistema unico aki, cu HOH ta trahando riba dje actualmente. For di awor nan ta duna entreno na personal di HOH, pa introduci e prome parti 1 di januari 2009.

Den e prome kwartaal e mester ta funciona optimalmente, pa despues sigui cu e di dos fase y asina na 2009, por bisa cu henter e sistema administrativo y operacional, ta digitalisa.

### PARKEERPLAATS

Nos a probecha di puntra Bob Harms si ya caba tin un decision riba e intencion for di basta aña caba, pa cobra pa parkeer auto riba tereno di hospital, el a duna di conoce, cu probablemente e siman aki lo tin un conferencia di prensa pa anuncia nan decision.

Ta berdad cu e opinionnan ta mixto, y gerencia di HOH sigur lo tene cuenta cu opinion publico tambe.

Si bay over na cobra mes, e lo bira 1 florin p'e prome ora, y p'e siguiente oranan, 50 sen. Pero manera menciona, e siman aki probablemente lo anuncia un decision.

## Aruba Bankers Association ta anuncia Presidente nobo

Y a gradici tur miembro pa na contribucion valioso

**RECIENTEMENTE** miembronan di Aruba Bankers Association (ABA) tabatin un lunch meeting p'asina gradici tur esnan cu a contribui n'e organizacion aki. Presidente nobo, esta sra. Edna Farro, a gradici Javier Wolter, kende tabatin e puesto di Presidente di ABA anteriormente, pa su bon trabao y tambe Magriet Geerman y Alvin Quandus pa nan asistencia n'e directiva di ABA. Di e manera aki tambe a tuma despedida di sr. Bill Carson como miembro di ABA y a gradici'e pa su tur su contribucion durante e aña nan cu el a traha na Aruba. Miembronan di ABA ta desea Bill Carson tu clase di exito cu su retiro.





## Rudy Lampe papiando di caso FDNSN

# PG Fernandes Pedra tabata contra di e denuncia di Comision di Berdad y Rudy Croes a pidi pa saca pruebanan original for di Griffie



Fernandes Pedra

**RUDY** Lampe, lider di partido RED den conferencia di prensa di e partido a comenta riba e finalizacion di caso Fondo Desaroyo Nobo San Nicolas. El a bisa cu awor cu e declaracion comun di Ministerio Publico y abogado di ex lider di partido AVP, Robertico Croes a keda publica y cu parcialmente a pone un punto final n'e caso aki, e tin mas libertad pa duna algun detaye na pueblo di Aruba cu te aworaki no a sali den luz publico.

Segun Lampe, el a haya un caha cu pruebanan original cu a bira e base di e denuncia cu a entrega na Ministerio Publico.

"Ora tabatin cambio di gubernacion na 2001 den e racha di destruccion di pruebanan, un caha cu pruebanan original a keda salba".

Ora cu a analiza loke a haya a

resulta cu ta trata claramente di un caso unda tabatin na nan parecer ofertanan falso, falsificacion di documento, fraude involucra. Lampe ta bisa cu e no a warda e pruebanan aki na pastorie, a actua e momento ey manera procedura ta stipula, pasobra mester actua sumamente cauteloso pa no haya nan mes involucra sin kier den un caso penal.

Pesey el a deposita e caha cu pruebanan original di e caso di fraude aki na Griffie di Corte di Prome Instancia.

Griffier a ricibi Rudy Lampe y a analiza blachi pa blachi e documentonan aki y na final a pone su firma na unda e ta certifica cu el a ricibi di Lampe e pruebanan original di un posibel delito.

Despues, mirando e gravedad di e asunto aki a scirbi hunto cu



Rudy Lampe

e otro integrantenan di Comision di Berdad e raport cu no a costa 700 mil florin manera ta wordo bisa, caminda solamente 2 profesional a cobra, y segun Lampe e mes no a cobra. E ta calcula cu e gastonan ta rond di 70 mil florin.

A base di e raport aki a formula e denuncia cu ta involucra e siguiente ciudadanonan: Croes, Bikker, Pieter, Werleman, Almarie, Bislip, Maduro y doctor Robertico Rosendo Croes.

Ora a entrega e denuncia na PG, segun Lampe, e raport no a hunga ni un rol mas den e investigacion di Landsrecherche.

"E raport aki simplemente tabata e base di e denuncia cu nos a entrega".

Lider di RED ta menciona cu despues a haya un carta di PG Theresa Fernandes Pedra cu

ta bisa cu e no ta di acuerdo cu nan a entrega e denuncia y cu el a manda e carta pa Gobierno bisando cu e ta conseha pa den futuro traha un raport solamente, pero no entrega denuncia.

Cu esaki, Rudy Lampe ta bisa cu Ministerio Publico tabata contra e hecho cu Comision di Berdad a entrega bao guia di e PG n'e momento ey e denuncia contra e ciudadanonan ariba menciona.

Mas aleu Rudy Lampe ta bisa cu el a ricibi presion di Minister di Husticia Rudy Croes pa saca e pruebanan original for di Griffie pa hiba nan un caminda cu el a indica. Rudy Lampe lo a nenga rotundamente, pasobra e t'e persona cu a deponer e pruebanan original di e posibel delito y e tabata e unico persona autoriza pa saca e prue-

banan for di Griffie di Corte di Prome Instancia.

"Mi a bisa Minister Rudy Croes 'mi no ta coopera cu geshumel cu pruebanan original' ademas cu e ta peligroso pa mi persona, pasobra si ami saca e pruebanan y algo pasami na caminda y e pruebanan desaparece, ami por wordo acusa di a destrui pruebanan original di un posibel delito".

Siguientemente, Lampe ta bisa cu a dura mas cu 2 aña p'e investigacion por a start, te na 2005 y ora esaki a cuminsa, abogadonan di e sospechonan a rek e casonan, pasobra mester a scucha mas di 70 testigo y dor di esey e caso a dura asina largo.

Rudy Lampe ta indica cu ta den e investigacionnan di Landsrecherche t'e mesun hendenan di AVP a lanza acusacionnan contra Henny Eman y Otmar Oduber. Pesey e ta bisa cu ora papia di persecucion politico, nan lo ta referi na persecucion politico di nan mesun seno.

Awor cu e capitulo aki a wordo sera, Rudy Lampe ta bisa cu di e 8 nombernan cu Comision di Berdad a entrega aangifte contra nan, tur a ricibi sentencia. Mirando esaki Lampe ta bisa cu nan no a haci un denuncia falso, cu tabata un denuncia di berdad cu a keda ratifica den Corte.

**HULK**  
**6 UNSTOPPABLE TOYS**  
 Collect them all  
 One toy in every Kids Meal

**BURGER KING**  
 HAVE IT YOUR WAY!

While Supplies last.



# Promer Minister Oduber no tin e capacidad di wak mas leu cu su nanishi

**LIDER** di partido AVP, Mike Eman a reacciona riba algun declaracion di Promer Minister Oduber riba e derecho di voto pa tur Arubiano por vota na juni 2009 pa Parlamento Europeo.

Eman ta expresa cu Parlamento Europeo tur dia ta tuma decisionnan cu ta toca directamente interes di nos hendenan y nos tin un Promer Minister cu no ta realiza cu e ta den un constelacion estatal den cual tin un Parlamento di Union Europeo cu ta para riba Parlamento di Reino Hulandes.

Premier Oduber no ta mira e balor den e hecho cu e cos di mas sagrado cu un pueblo por tin, cu e mes por determina su destino, cu e mes por vota pa Parlamentonan cu tin influencia riba su futuro. Nelson Oduber ta yama e derecho aki un dooie mus. Pesey Mike Eman ta considera cu Oduber ta un Promer Minister cu ta demostra despues di haci un evaluacion intelectual, mester puntra si ta realiza cu algo asina y no por mira su importancia, por ta ta bon pa den partido MEP nan haci nan propio evaluacion.

E ta bisa esaki pasobra lider di fraccion di MEP cu ta hurista, Sr. Ady Thijsen a declara cu esaki ta un momento grandi pa Aruba, pasobra Hof du Union Europeo a dicidi cu nos tur ta ciudadanonan cu derechonan legitimo den Union Europeo, pero di otro banda tin un Promer Minister cu ta bisa cu e cos aki no tin balor. “Mi ta kere cu ta na partido MEP pa dicidi e ora ey, kendenan den e partido ey tin un tiki mas conocimiento huridico, kendenan den e partido ey tin mas capacidad di razona pa por yega na e conclusion di ta cual ta e opinion di partido MEP den e caso aki”, Mike Eman ta declara.

Siguientemente, lider di AVP a indica cu despues di

e declaracion di Nel Oduber a bin esun di Minister di Relacionnan Exterior di Reino, Maxime Verhagen kende a bisa cu e si ta considera importante pa Aruba vota den eleccionnan di Parlamento Europeo.

Mas aleu Minister Verhagen ta splica cu Parlamento Europeo ta tuma decisionnan hopi importante pa futuro di Arubianonan tambe y e ta splica cu Hulanda tambe den henter e contexto di Union Europeo ta un pais chikito, tin hopi menos voto cu Francia, Alemania of Inglatera, pero ora mira e resultado di e hecho cu Hulanda ta participa den Parlamento Europeo, caminda tin fraccionnan di e partidonan cristian democrata, europeese volkspartij, fraccionnan di partidonan social democrata y fraccionnan di ideologia liberal cu ta forma un bloke. Durante e añanan cu Sr. Verhagen tabata candidato y miembro di Parlamento Europeo, el a mira cu a pesar di ta chikito por asocia cu un di e blokenan ey y por tin influencia grandi riba e desaroyo di e decisionnan cu ta wordo tuma den Parlamento Europeo.

Pesey Mike Eman ta bisa cu ta keda cla cu Sr. Oduber no ta mira e cosnan te ora cu nan ta para su dilanti.

Den mesun cuadro aki Eman ta menciona cu e por a lesa siman pasa cu Sr. Oduber awor ta bai aserca Elmar pa mira si e compania aki por ta disponibel pa permiti hende utiliza energia alternativo na nan cas. Esaki despues di 4 aña caminda cada biaha fraccion di AVP ta entrega mocionnan durante tratamiento di presupuesto di Minister President mes pa pidi pa Elmar tuma un actitud tolerante pa cu molinanan di biento, panelnan solar, etc. Pa añanan largo, fraccion di MEP bou instruccion di Sr. Oduber a vota contra di e mocionnan aki y ta te na ultimo cu prijs di petroleo a dal na dak, e ora ey nan a mira cu nan no por vota contra mas.



Mientras tanto AVP mes a papia cu Elmar caminda a haya aprobacion pa instala un molina di biento na Cas di Partido, tambe nan a papia cu Elmar pa permiti pa pone e tipo di instalacionnan aki riba e red di electricidad di Elmar pa ora tin un exceso di coriente por pase pa Elmar.

Mike Eman a finaliza bisando cu si tin un Promer Minister cu no por wak mas leu cu su nanishi, e ora ey e pais ta haya e tragedianan cu Aruba ta bibando na e momentonan aki.

Rudy Lampe:

## Tico Croes a acepta su culpabilidad den caso di FDNSN

E ta un condena contra partido AVP tambe



**LIDER** di RED, Rudy Lampe ta bisa cu diabierna ultimo e capitulo a keda sera pa loke ta e asunto di comision di berdad, pasobra e unico politico involucra den nan denuncia, ex lider di partido AVP, a bai di acuerdo pa no apela su caso, “kiermen ex lider di partido AVP a acepta su condena, a acepta su sentencia den e caso grandi aki di fraude, corrupcion y soborno. E unico manera cu e por a libra di e sentencia aki ta si el a bai den apelacion. El a dicidi cu e no ta bai apela. Awor pakico bo no ta bai apela? Bo no ta

bai apela, pasobra tin riesgo pa ambos partido”. Lampe ta bisa cu riesgo pa e ex lider di partido AVP ta cu tin jurisprudencia di e caso di Anthony Godett na Corsow, hueznan cu lo revisa e caso aki conoce masha bon mes e caso di Anthony Godett, lider e tempo ey di Frente Obrero. Y e caso ta casi identico pa loke ta e acusacion di soborno, ta solamente e cantidad ta varia y uso di e placa tambe. Hueznan den tur instancia a ratifica soborno y Sr. Godett a haya castigo incondicional y a bai sera. Ex lider di AVP lo a evalua, den opinion

di Lampe, y lo a bisa cu e riesgo pe si sigui den apelacion ta cu el lo haya castigo mas pisa y asina el a dicidi pa no sigui cu e apelacion y a acepta su condena y su culpabilidad den e caso aki. Mas aleu Rudy Lampe integranan di AVP nunca a distancia nan mes di e caso aki y mas bien a keda defende e ex lider di e partido y a keda bisa cu ta un persecucion politico. Esey den opinion di Lampe kiermen cu awor cu ex lider di AVP a acepta su culpabilidad, su condena ta un condena di partido AVP tambe. E ta considera cu e

declaracion comun di Ministerio Publico y abogado di Tico Croes como uno cu a debilita e imagen di partido AVP den comunidad, specialmente si mira cu e otronan involucra den e caso aki tambe a bai di acuerdo pa cancela tur apelacion, pasobra ora un hende no ta sigur di su mes, e no ta tuma e riesgo di bai den apelacion.

Finalizando Rudy Lampe ta bisa cu e acuerdo aki a confirma den comunidad cu algo a bai hopi robez cu partido AVP den e caso di Fondo Desaroyo Nobo San Nicolas.



## Decision di Tico Croes pa yega na un settlement cu Ministerio Publico tabata un decision sumamente personal y dificil

**DEN** entrevista cu mr. Chris Lejuez el a comenta mas riba e caso di Fondo Desaroyo Nobo San Nicolas caminda siman pasa a yega na un acuerdo cu

no lo apela ningun di e sentencianan di huez mas. El a comenta cu Ministerio Publico a asercanan pa busca posibilidadnan pa den un are-

glo mutuo yega na un solucion completo pa elimina e caso di Fondo Desaroyo for di riba mesa. E no kier a duna detayes di loke a wordo negocia.

Pa su cliente, Tico Croes e parti dificil tabata cu tin un sentencia di corte di promer instancia y sin embargo a purba yega na un solucion. Aki Lejuez a bisa cu

ni Ministerio Publico ni su cliente por kita e setencia y unico manera pa elimina esaki ta den apelacion mes. Pesey mes Croes a apela e caso p'asina kita e sentencia for di riba mes.

Despues di a negocia pa basta tempo caminda cu tabatin riba mesa cu Tico Croes lo haya su declaracion di buena conducta, tambe cu e servicio na comunidad lo wordo haci den un forma aceptabel pa Croes, ainda a keda e parti cu si e ta bai di acuerdo pa laga e setencia sigui existi.

Lejuez ta sigui splica cu den e declaracion final comun por a mira cu e no tabata un discusion personal sino uno caminda ta trata si tabatin strafbare omkoping of di otro banda un financiamiento di un partido politico permisibel. A pesar di e declaracion aki, toch a tuma basta tempo promer cu Tico Croes a conforma su mes cu pa bienestar di Pais Aruba e ta acepta e settlement aki p'asina yega na e final di e caso.

Mr. Lejuez ta indica cu e no a evalua pa su cliente, cu el a hiba e negociacionnan pele, pero tur e evaluacion personal y decision tabata di Tico Croes. Igualmente e ta bisa cu no tabatin ningun presion ni di parti di Ministerio Publico ni di parti di su abogado como tampoco di su ex coleganan di partido. E decision tuma tabata uno sumamente personal, sumamente dificil, pero sin embargo el a laga bienestar di e pais prevalece y a dicidi di acepta di yega na un settlement cu Ministerio Publico.

*Biba mihor*

**Pabien Digicel™**

**E Red Mas Grandi y Mihor.**

*di parti di*

**CMB**  
CARIBBEAN MERCANTILE BANK N.V.

Caribbean Mercantile Bank N.V. y DIGICEL trahando hunto pa trece mas inovacion y conveniencia pa nan clientenan.

**AWEMainta**  
noticia@awemainta.com

**Tel: 583-1400**

**Fax: 583-1444**



Mike Eman:

# Purba horta hendenan inocente di nan integridad no mag di ripiti na Aruba nunca mas

Nel Oduber ta e persona responsabel pa e tragedia cu Aruba a biba den ultimo 7 añanan

**AYERA** durante conferencia di prensa semanal di partido AVP, Mike Eman, lider di e partido a duna un declaracion riba e decision cu Ministerio Publico a tuma siman pasa pa termina cu e caso di Fondo Desaroyo San Nicolas.

El a indica cu e proceso di 7 aña di persecucion di personanan inocente den comunidad ta pone corda epocanan den historia scur di humanidad caminda hendenan a wordo persecui pa motibo cu nan tin un otro religion cu otro, caminda hendenan a wordo persecui pasobra nan tin un otro color cu otro, caminda hendenan a wordo persecui pasobra nan tin otro pensamentonan politico cu otro.

Eman ta considera cu e pensamiento maligno aki pa utiliza sentimentonan, rencor contra otro pa bai asina leu di persecui hende, den historia di humanidad a conduci na momentonan di mas feroz den mundo. Aruba a conoce esaki e ultimo 7 añanan pasobra ora e caso aki a wordo sera siman pasa e tabata un testimonio pa e hecho cu lo cual a cuminsa 7 aña pasa no tabatin base ni hustificacion, no tabatin merito ni legal ni moral. Unico obhetivo tabata pa dañá nomber di hende utilizando instrumentonan cu constitucionalmente mester ta leu for di gara di mannan politico y cu sinembargo a cai den garanen politico di hendenan obsesiona pa poder, venena pa odio y rabia. Esaki ta e cos di mas peligroso cu por pasa na un pais y lamentablemente el a sosode cu nos comunidad.

Pesey lider di AVP ta bisa cu ora puntre si e por ta satisfecho cu e decision cu Ministerio Publico a tuma, e ta bisa cu e palabra satisfecho no ta cuadra den e sentido di lo cual a sosode den nos pais. “Pasobra en berdad e decisionnan ta pone un fin

na lo cual a sosode, pero e hechonan, e circunstancianan cu por conduci cu hendenan ta utiliza y mal usa poder di e forma aki, tanto esnan cu tin poder politico como esnan cu tin poder discrecional por abusa di e forma aki di poder, e circunstancianan ey, e tipo di regimennan ey ainda tin den nos pais. Y e mesun mentalidad ey ainda tin su mannan riba poder na e pais aki”.

Cu esaki Eman ta implica cu nos tur ciudadano di Aruba, miembronan di prensa, lidernan politico cu ta stima nos pueblo y e libertad di e hecho di nos ciudadanonan no por descansar te dia cu libra Aruba di e mentalidad odioso, venenoso y rencoroso cu ta pone hende bai asina leu pa trapa riba alma di nan prohimonan sabiendo cu e personanan aki ta inocente. E ta considera cu purba horta e hendenan inocente di nan integridad ta algo cu hamas y nunca mag di ripiti den nos pais.

E compromiso cu mester haci hunto ta cu e pueblo Arubano ta bai uni tras di e forzanen cu kier pone un fin na pensamentonan malo asina y bai habri porta pa hendenan cu mentalidad constructivo, cu no tey pa tuma venganza contra otro, cu no tey pa trpa riba alma otro, pero kier cuminsa pone e blokinan di construccion pa un futuro di un pais nobo, caminda cu un por tin diferencia cu otro pero hamas ta bai asina leu manera Sr. Nelson Orlando Oduber.

Mike Eman ta expresa cu Sr. Nelson Orlando Oduber ta un persona cu den ultimo 7 añanan a demostra na nos pais cu e no ta lanta mainta y bisa kico e por haci pa e pobernan riba e baranca aki, kico e por haci pa e hobennan cu no ta mira un oportunidad den futuro di nos pais, kico e por haci pa e

ancianonan den nos pais cu ta mira cu nan placa no ta alcanza pa un sobrevivencia husto den e pais aki, kico e por haci pa Aruba, imagen internacional pa nos por habri fronteranan nobo pa nos pais. Al contrario, e ta un persona cu a demostra pa 7 aña largo cu e ta lanta y e unico cosnan cu el a haci ta wak cual oponente politico e por persecui den un forma falso, cu no ta cuadra cu e sentimentonan mas esencial di un hende drechi, un ser hu-

mano cu ta wordo guia pa nos creador, cu no ta wordo guia pa norma y balornan. E otro prioridad cu Oduber a pone ta wak 7 aña largo cual ruman, cual yiu, cual primo, cual swa e por promove a custia di e fondonan di e pais aki. “Esey ta e herencia di Sr. Nelson Orlando Oduber, un persona cu ta laga atras un Aruba caminda cu el a persecui hendenan inocente, crea hopi victimanan inocente y el a utiliza e fondonan, e sudor di e pais aki pa el a enriquece tur

hende rond di dje a custia di e porvenir di e pais aki. Esey ta e persona responsabel pa e tragedia cu Aruba a biba den ultimo 7 añanan”.

Finalizando Mike Eman a pidi pa nos tur haci un compromiso pa hamas permiti pa mentalidadnan asina maligno por prevalece na e pais aki, pa nos para pa lo cual nos a siña di chikito di rectitud, honestidad y amor prohimo y para pa esnan inocente den e mundo aki.

The link between my experience as an entrepreneur and that of a politician is all in one word:

# FREEDOM

- Silvio Berlusconi -



**Congratulations Digicel with your 5th anniversary**

Proud to be part of Aruba's telecommunications liberation

**gomez & bikker**  
LAW OFFICES



# AVP ainda no ta completamente satisfecho cu funcionamiento di Ministerio Publico

**PARLAMENTARIO** di AVP, Arthur Dowers durante conferencia di prensa a elabora riba e tema di husticia y con e mester funciona den un pais democratico. E ta splica cu na momento cu partido MEP a drenta gobernacion promer cos cu nan a haci ta nombra un comision di berdad cu ta

un anticonstitucional y no tabatin ningun derecho di existencia. E Comision aki a haci un trabou cu a costa Afl. 700 mil, preparando un esfera politico pa persecui personanan den e comunidad aki pafor di e camindanan constitucional. Na promer instancia Ministerio Publico no tabata kier tuma e rap-

port aki na serio y haci e trabou cu e comision aki a instruinan pa haci den nomber di Minister President di Aruba, pero un dado momento e presion politico riba Ministerio Publico tabata asina grandi y a sucumbi. E tempo aya por a scucha con Sr. Rudy Lampe tabata pone presion

riba Sr. Nelson Oduber y e ultimo aki a bisa cu ta tur siman e ta yama Ministerio Publico puntranan ki dia nan ta cuminsa persecui cierto contrincantenan politico. Dowers ta kere cu esaki no solamente ta un pagina scur di nos historia, pero tambe a haci un daño sumamente grandi na imagen di

nos sistema hudicial y Ministerio Publico, pasobra por corda cu na dado momento e presion politico riba Ministerio Publico tabata asina grandi cu e contrincantenan politico no por a ni papia mas mostrando nan critica. E tempo aya Arthur Dowers y Mike Eman mester a presenta na dos ocasion na corte caminda cu nan a haya razon cu como politico nan tin e libertad di por cuestiona e funcionamiento di Ministerio Publico.

Dowers a bisa cu ora a cuestiona Ministerio Publico, nan a haci esaki cu un sentimento mixto, pasobra AVP semper a para pa un funcionamiento liber sin metemento politico di Ministerio Publico. Pero na momento cu nan a realiza cu tabatin un infiltracion politico, cu tabatin ministernan y den caso aki Minister di Husticia y Minister Oduber a pone un presion asina grandi riba Ministerio Publico, nan a sinti como miembro di Parlamento y defensor di pueblo, cu nan mester a sali cuestiona esaki.

Arthur Dowers awe ta bisa cu nan no ta completamente satisfecho cu e funcionamiento di Ministerio Publico. Aki e ta menciona e caso di ruma di Minister di Husticia cu a atropaya un hende y despues ta mira con un Hoofd Officier van Justitie ta bisa cu e persona aki no ta 'zomaar iemand'. Parlamentario di AVP ta kere cu ora un hefe di Ministerio Publico haci un declaracion asina, ta na su lugar pa esnan cu autoridad mas halto hala su orea of por lo menos bin den publicidad y bisa cu esaki ta un expresion cu nunca un miembro oficial di un instancia hudicial por haci, ya cu eynan ta confirma cu tin un division den comunidad caminda cu tin hendenan cu ta 'zomaar iemand' y tin hendenan cu no ta 'zomaar iemand'.

Finalizando Dowers ta considera cu aki tambe mester bin un coreccion di parti di Ministerio Publico y ta sinti cu e persona cu a wordo persecui pasobra el a haci denuncia contra Sr. Hendrick Croes tambe lo mester haya un disculp, pasobra si ta berdad cu tabatin aangifte falso, sr. Nel Oduber y Rudy Croes tambe a haci aangifte falso den caso di Fondo di Desaroyo.

## Un Aplauso grandi awe pa:

- Boso vision
- Boso servicionan
- Boso productonan
- Boso persistencia pa trece un cambio

## Pabien Digicel

Boso Advertising & PR Agency  
pa 5 aña caba

**TERA**  
GROUP  
ADVERTISING & PUBLIC RELATIONS



# Habri siman, anto burachi




**HABRI** siman, anto burachi, ta un mal señal. Esaki ta loke cu a tuma lugar ayera, den prome oranan di mainta, cu polis mester a dente un persona burachi, cu no sa di pazuid ni panort. Como tal ta mihor pa dun'e un cuatro gratis, pa pasa su buracheria. E pregunta ta: "E persona aki no tin trabao? T'asina aki e ta cuminsa su siman? Anto con demas dlanan di siman lo ta anto?"

## Contrario na e 5 Florin bieu esun nobo ta hopi dificil pa falsifica

**BANCO** Central ta trahando riba un posibel biyete di florin nobo cu diseño nobo, ta papia aki di aki un 4 aña. Funcionario di Banco Central ta bisa si cu e diseño cu tin na e momentonan aki ta uno hopi gusta pa turistanan, coleccionan dor cu e ta colorido. Na momento cu cambia biyetenan y ta saca e anteriornan for di circulacion, ta varios no ta yega Banco Central. Aki funcionario di Banco Central a mostra cu na momento cu a bin cu e serie nobo na 2003, varios di e biyetenan bieu a keda den circulacion. Hopi hende ta keda cu nan pa recuerdo y esunnan cu a wordo bendi cu e coleccionan no ta bin back pa Banco Central. Mas aleu funcionario di Banco Central ta indica cu contrario na e biyetenan di florin, nos modenan si a wordo falsifica, specialmente e 5 florin cuadra. A cuminsa cu un 5 florin di 1997 cu no tabata pega na magneet, ora cu a informa publico di esey, a keda upgrade e falsificacion y a perfeccion. Na momento cu a ripara cu tur hende tabata wak cu 1997 ta e aña falso, e ora a cuminsa haci aña 1996. Na un dado momento esey a bira di mas y pesey Banco Central a dicidi di cambia e moneda aki y a bin cu e 5 florin rondo color oro. E 5 florin nobo a purba wordo falsifica, pero a keda demostra cu ta hopi dificil pa falsifica e moneda nobo y solamente Banco Central tin dos moneda cu a wordo falsifica, pero a resulta di ta intentonan fracasa.

## Nan a lubida di baha bandera

**AYERA** nos tabata na Hospital, y a tuma nota, cu esnan responsabel pa hisa y baha bandera a lubida di baha di baha esaki. E foto mes ta ilustra cu ya tabata ora di anochi, y pa tin bandera hisa, maske e ta half-stok, mester cumpli cu su reglanan protocolario. Corda bon, bo ruman chiquito ta vigila e ruman mayo.



## Eman a pidi secretario di defensa pa wak si por habri oportunidadnan pa militarnan Arubiano

**LIDER** di partido AVP, Mike Eman dunando un relato riba su reunion cu secretario di defensa Hulandes Jack de Vries. Aki el a papia riba e situacion di Arubianonan cu ta den servicio militar na Aruba caminda hopi di nan ora nan yega edad di 30 aña no tin oportunidad pa continua a no ser cu nan por drenta e officier opleiding cu tin exigencianan hopi halto y ta bastante dificil, ademá cu ta na Hulanda mester continua cune. Eman a puntra e secretario di defensa cual lo por ta e oportunidadnan cu lo por habri pa e hobennan aki, pasobra nan ta resaltando den nan disciplina, den nan forma profesional di sirbi cuerpo militar di Reino y toch ora nan yega 30 aña ta dificil pa nan continua. Sr. de Vries a priminti lider di AVP cu el lo bai mira kico por sosode. Finalizando el a bisa cu asina tin mas informacion riba esaki lo bolbe riba e tema.



### Pabien Digicel

RBTT Bank ta felicita Digicel cu su di 5 aniversario!  
**Hopi pabien!**



CORPORATE & COMMERCIAL BANKING

BO CAMINDA PA FUTURO

ITALIËSTRAAT 36, ORANJESTAD • I.G. SMITH BOULEVARD 66, ORANJESTAD • CAYA G.F. (BETICO) CROES 89, ORANJESTAD  
PALM BEACH 5-A, NOORD • B V/D VEEN ZEPPENFELDSTRAAT 52, SAN NICOLAS  
SERVICE LINE: 588-0101 • OFFICES: 523-3100 • FAX: 582-1756 • E-MAIL: INFO@TT.RBTT.COM • WWW.RBTT.COM



Mr Chris Lejuez:

## Mester adapta leyman pa evita cu den futuro mandatarionan inocente por wordo persegui asina facil

**MR** Chris Lejuez ta un abogado cu a traha 7 aña largo riba henter e caso di Fondo Desarojo San Nicolas. Mirando e trayectoria aki a puntre kico por haci pa evita cu algo similar por tuma lugar den futuro.

E ta considera cu mester adapta e leyman cu tin na Aruba promer cu por persegui un minister of ex minister. E ta considera cu e ley ta mucho facil y ta lague hopi den man di Ministerio Publico so pa tuma decision si ta persegui of no un minister of ex minister. Na Hulanda promer cu por persegui un minister mester permiso di Parlamento Hulandes, pero esey no ta existi na Aruba. Tambe promer cu por persegui un minister mester haci un investigacion hopi riguroso, esaki tampoco ta existi na Aruba. Aki ta dor cu defensa na februari 2005 a pidi huez pa tende hopi testigo a habri caminda pa haci e investigacion mas amplio posibel y dor di esey por a haya un bista mas claro riba lo cual berdaderamente a sosode. Segun Lejuez, e sistema cu nos tin cu actualmente ta permiti persegui ministronan sin suficiente garantia pa personanan cu ta inocente, mester

wordo drecha. Esey ta e les cu mester siña for di e caso aki. E ta considera cu mester bin cu

iniciativanan manera esun di prof. de Jong, pa drecha e ley aki mas pronto cu ta posibel pa

proteha esnan cu ta inocente y particularmente nos mandatarionan pa nan no haya nan

mes den e tipo di problemanan aki asina facil manera cu e la sosode e biaha aki.

### E imagennan riba Bo carchinan di celular a cambia hopi den e ultimo 5 añanan



pero, loke nunca a cambia ta Bo compromiso serio cu e comunidad y Bo distribuidor Arubiano.

Pabien Digicel cu Bo prome lustro



Distribuidor exclusivo di carchinan prepaga di Digicel



HOTLINE  
**733-8477**

**Digicel**





## Post Aruba a celebra 30 aña di servicio di Eldrid Angela



**DIA** 11 di juli 2008 Eldrid Angela, mihor conosi como “Dichi”, a cumpli 30 aña den servicio di Post Aruba NV. Esaki a wordo celebra den compaña di e director, Sr. Kees van

Nederkassel, demas miembro nan di gerencia y su coleganan di Post Aruba.

Sr. Eldrid Angela a drenta servicio di Land Aruba como postknecht dia 11 di juli 1978. Semper Eldrid a keda traha den e departamento

di bestelling na Directie Post-erijen. Eldrid a cuminsa traha como postknecht y a pasa den tur function cu e departamento di bestelling conoce. Desde 1 di augustus 2006 Eldrid a tuma e desicion pa bai traha den servicio

di Post Aruba NV y entrega su status di ambtenaar.

Actualmente Eldrid Angela ta ocupando e puesto di Senior Groepsleider di e departamento di postpakket.

Sr. Angela ta un persona serio, deportivo y dedica na su trabao. Den nomber di Post Aruba NV. Nos ta felicita di curason señor Eldrid Angela pa e 30 aña nan. Nos tambe kier felicita su famia cu e hubileo aki.



### Siman deportivo Dakota Pariba vs Dakota Pabao

## A habri cu nochi cultural den Centro di Bario y Deporte Dakota

Scirbi pa: Ruthy “Lady Ruth” Vrieswijk-Bergen



**DAKOTA:** E dushi bario di Dakota ta den luz atrobe cu su siman deportivo, cu un apertura di un tremendo nochi cultural diasabra dia 12 di juli ultimo. Diadomingo dia 13 tabatin e weganan di futbol Lifida y henter e resto di siman aki, tin weganan deportivo tur anochi cuminsando pa 7’or den Centro di Bario y Deporte Dakota.

Tin un biento fresco ta supla atrobe, cu miembronan den un directiva dinamico, trahando cu curazon pa nan dushi bario “Dakota tur dia “. E programa deportivo ta consisti di we-

ganan di domino, (bao di 60 y riba 60 aña di edad), weganan di biljart, weganan di voleybal, sesosport (hersengymnastiek) y futbol.

Dakoteronan, famia y amigonan ta wordo invita pa bin presencia y apoya tur esnan cu lo enfrenta otro durante henter e siman aki, pa estrecha e lazonan di amistad y prohimo ruman atrobe un crenchi mas. Y....may the best ones win!! Mas vale participar que ganar!!

Un siman pret, dushi di amistad, como un simia positivo cu tin cu inspira e mente, alma y



curazonnan atrobe cu cosnan bon. Palabranan di exito ta bay na tur deportista cu lo midi forsa deportivamente cu otro y na tur e fanaticonan cu lo bay apoya nan banda di Dakota, sea Dakota Pariba of Dakota Pabao, nos deseo pa dushi ambiente di amistad.

Riba e potretnan por admira impresionnan bunita di e anochi cultural dushi cu varios di e artistanan cu a duna nan actuacion, sea den canto, baile of poesia. Un publico grandi a goza di cada presentacion, cu a wordo ofresi di curazon, un anochi placentero cu a culmina

cu e presentacion di e fantastico grupo MC-Four den un re-encuentro unico, cu bailenan dinamico y alegre hinca den otro durante mas o menos 10 dia di tempo.





**Danki Aruba  
Pa bo Sosten**



## Celebra 5 año cu nos:

- Awe Digicel ta REGALA BO Afl.5,- na credito
- Manda SMS awe pa solamente 5 cen.
- Yama pa solamente 5 cen despues di 2 min (Prepaid Digicel pa Digicel)
- Yama International y ricibi 5 min GRATIS despues di 5 min.
- Bin celebra 5 anja cu Digicel Red Concert dia 25 di Juli na unda nos lo saka e ganador di Afl.50.000

Pa mas informacion yama 522-2222 of 145 gratis for di bo celular.

[www.digicelaruba.com](http://www.digicelaruba.com)

**Digicel**

E Red Mas Grandi y Mihor.



# Aruba Airport Authority ta raporta crecimiento positivo

Pa e di dos kwartaal di 2008



**ARUBA** Airport Authority N.V. ta contento pa anuncia su di 7 biaha consecutivo cu resultadonan di kwartaal positivo tanto den percentahe di e crecimiento di trafico y e cifranan di e revenue generating passengers (RGP). E cifranan di RGP y buelonan comercial a subi compara cu e di dos kwartaal di 2007 cu 6.8% y 3.5% respectivamente. E cifranan di RGP pa April, Mei y Juni tabata 3.3%, 15.8% y 2.4% mas halto cu e mesun lunanan den 2007. E prome mitar di 2008 ta muestra cifranan di RGP y buelonan comercial mas halto compara cu e prome mitar di 2007 cu 16.8% y 14.7% respectivamente.

Buelonan comercial mensual durante e di dos kwartaal di 2008 a muestra crecimiento den April cu 3.4%, Mei cu, 8.1%, pero cu un caida minimo den Juni cu -1%. Pa cada segmento di mercado durante e di dos

kwartaal, Merca/Canada, Antiyas y Europa a crese cu 7.4%, 7.0% y 16.4% respectivamente, mientras cu e buelonan comercial di Latino America a baha cu -6.6% compara cu e di dos kwartaal di 2007. Santa Barbara su accidente fatal banda di Merida algun luna pasa a causa un bahada severo den e buelonan for di Caracas y Maracaibo. E buelonan ta wordo spera cu lo bai bek na e schedule normal den e di 3 kwartaal di 2008.

Tur e mercadonan principal di turismo basa riba e resultadonan di RGP durante e di dos kwartaal a muestra crecimiento positivo compara cu e resultadonan di e di dos kwartaal di 2007 cu exepcion di Antiyanan Hulandes. Merca/Canada, Europa y America Latina a crese cu 8.3%, 11.6%, 7.0% respectivamente, mientras cu Antiyanan Hulandes a baha cu 8.1% compara cu e di dos

kwartaal di 2007. Europa a muestra un crecimiento stabiel door di Arkefly, Martinair y First Choice. Efectonan di e situacion economico, prijs di petroleo y e industria aereo na Merca ainda no a manifesta nan mes den e resultadonan di e kwartaal aki di AAA N.V.

Norte America ta sigui experiencia aumento di pasahero y ocupacionnan mas halto pa cada buelo. American Airlines a anuncia menos buelo for di JFK Airport na New York pa Aruba; for di buelonan diario pa 4 buelo semanal na September. Socionan di aerolinea Continental, Jetblue y Delta Airlines cu tur ta brinda servicio pa New York tambe, lo monitoria e demanda di e mercado. Ademá, e buelonan diario di American Eagle for di San Juan, lo wordo cancela desde dia 3 di September 2008.

E enfoque principal di AAA N.V. pa Norte America ta sigui ta mantencion di e servicionan actual pa 2008 y 2009. Tin algun desafio encuanto e economia Mericano cu señalnan fuerte di e recesion cu ta birando mas fuerte, e costo di gasoline kedando riba US\$135.00 pa bari y e cambionan drastico den e industria di aerolinea pa e por bira rendabel. Algun aerolinea mas chikito a cancela nan operacion, mientras cu carriernan Mericano a cancela buelonan di nan avionnan mas bieu y ta cancelando e rutanen menos rendabel, mayoria di e carriernan ta adaptando nan modelonan di negoshi pa bira rendabel cu e costonan di gasoline cu ta na nivelnan halto.

“Nos resultadonan pa 2008 a surpasa nos expectativanan te cu awor, y nos lo continua traha pa mantene e relacion-

nan fuerte cu nos aerolineanan socio”, asina Peter Steinmetz, Managing Director di Aruba Airport Authority N.V., a bisa. “Mi a yega di bisa esaki caba den pasado y lo sigui bisa cu nos compromiso ta pa mantene e buelonan scheduled actual for di tur e mercadonan. Ademá nos tin un relacion hopi fuerte cu Aruba Tourism Authority y Aruba Hotel and Tourism Association pa sigura y ricibi e apoyo apropia den e mercadonan. Banda di esei, el a bira hopi cla den e ultimo simannan con importante diversificacion di servicio aereo ta, algo cu nos team ta tarahando duro pa mantene y lo sigui haci esaki tambe. Prijsnan di gasoline na e nivel asina halto, reduccion di buelo na gran escala y cancelando buelonan cu avionnan cu ta gasta mas gasoline na Merca, tin un impacto directo riba tur hende.”

**AHATA**  
ARUBA HOTEL AND TOURISM ASSOCIATION



PABIEN  
**DIGICEL**

**post aruba**

Nos di post aruba  
kier a manda nos  
mas sincero  
felicitation na  
**DIGICEL**  
cu nan 5 año  
di existencia



# Florin Arubano ta un placa masha sigur

Te na e momentonan aki no por a falsifica nos florin na un forma bon

**DEN** entrevista cu Banco Central riba florin Arubano por a tende cu nos a cuminsa cu nos florin na 1986 ora nos a haya nos Status Aparte. E promer biyetenan tabata berde cu a wordo traha cu ehempel di e 10 florin di Antiyas Hulandes cu riba dje tabatin e edificio-nan di Aruba Caribbean Hotel e tempo ey.

Despues di esey a prepara pa traha nos mes placanan cu a bira esunnan cu ainda ta den circulacion. Na 1990 nan a drenta den circulacion, na 1993 nan a wordo adapta y ultimo a wordo adapta atrobe y esey ta esunnan cu ta den circulacion awor cu ta wordo yama biyetenan di serie 2003 caminda a upgradenan cu algun marcanan di seguridad. Riba e biyetenan di 100 florin a pone folie y e hilo

di silver. Intencion di esaki ta pa nos placanan no wordo falsifica y semper mihor cos cu por check riba un biyete si kier controle ta pa tene na halto caminda cu mester wak e watermerk cu ta e mata di dividivi.

Cada 7 aña paisnan ta adapta nan biyetenan pa asina wak kico tin riba mercado pa mehora nan seguridad.

Mustrando riba e seguridad di nos placanan, Banco Central ta bisa cu e folie cu tin riba nan, na nomento cu copi'e nunca e lo sali bon, y e ta sali preto, mescos cu e hilo di silver.

Si publico sa e tipnan chikito di con pa check nos placanan ta dificil pa placanan falsifica pasa, pasobra nan ta mal traha.

Pa esnan cu ta traha anochi y no tin suficiente luz pa controla e biyetenan, nan por usa un UV lamp. Riba e biyete algun fibra

chikito ta ilumina y esey no ta pasa nunca riba e biyetenan falso, pasobra no ta usa papel di banco den caso di falsificacion.

Banco Central a parti varios biaha via banconan comercial foyetonan cu ta duna full un splicacion di e seguridad di nos placa, kico wak den dje pa sa si e ta autentico of e ta falsifica.

Lugarnan cu mas placa falso a pasa tabata na pompnan di gasolin, Lotto pa deporte, supermercadonan y segun Banco Central e placanan aki ta den hopi mal condicion, mester bisa si cu no ta hopi.

Banco Central ta confisca e placanan falso y segun nan ta informa ta masha poco hendenan cu a bira victima ta hiba e biyete falso na Banco Central. Mayoria di e placanan falso a yega Banco Central via banconan comercial,

ora e comerciante a bai hiba su deposito y cahero di banco a detecta cu e ta falso.

Importante ta pa esnan cu tuma placa detecta e biyete falso inmediatamente, pasobra e ora ey nan tin e persona cu tin e placa falso nan dilanti y aplica e tipnan cu Banco Central ta duna den nan foyeto, esta observa e persona, wak si por yama polis di biaha, check si por haya ID di e persona. Di e forma aki por stop e personanan aki di haci e falsificacion aki.

Esnan cu ta interesa den haya mas informacion riba nos placanan y con pa detecta biyetenan falso por acudi na Banco Central caminda e funcionario encarga cu e departamento aki lo por duna mas informacion, of hasta e mes por acudi na e negoshi pa duna e splicacion adicional riba

e seguridadnan cu tin riba nos biyetenan.

Funcionario di Banco Central ta afirma cu nos florin ta basta sigur, pasobra si wak loke a purba falsifica di nos placanan ta cosnan masha malo mes, es decir, no ta practicamente perfecto manera por wak e falsificacion di dollar.

Banco Central ta controla tur e placanan cu ta drenta di banconan comercial. Nan tin un machin specialmente programa caminda ora p.e. ta bai procesa biyete di 25 florin e ta pasa dor di e machin dor di diferente sensornan cu ta check si e ta un bank papier of no, ta check si e folie tey, si e hilo di silver tey. Es decir cu si un dia un banco skip un placa cu ta falsifica y mande den su deposito, e machin ta sake un banda di biaha.

## LUCKY STORE GROUP

Nos di Lucky Store Group  
kier a felicita Digicel  
cu nan 5 aña di existencia  
dunando e producto  
y servicio cu Aruba merece!



# Digicel

E Red Mas Grandi y Mihor.





# Digicel ta yama su clientenan “danki” den gran forma

“AÑA den aña afor nos tin campaña, pues un dia special manera awe nos lo no laga pasa sin mas” asina Michelle Winklaar den su calidad di gerente general di Digicel Aruba a bisa. E ta referi na cantidad di campananan cu e compania lo tin awe specialmente pa su clientenan. “No por otro, nos mester gradici tur nos clientenan cu a sa di sostene nos pa e ultimo 5 añanan aki”, asina e gerente di e compania di celular cu mas ta creciendo den Caribe y awor tambe den Centro America a sigura. “Pa cuminsa nos ta duna tur nos clientenan yamadanan gratis awe”, e ehecutivo di e compania ta referi aki na e hecho cu tur cliente ta ricibi 5 florin riba nan cuenta awe. Pues lo duna tur cliente 5 florin na yamadanan gratis. Kedando den e trend di tur

cos cu e cifra 5, tambe lo reduci nan tarificanan di SMS awe na 5 cen ora manda un mensahe for di un celular Digicel pa un otro celular Digicel. Ta keda vigente e campaña cu ta sigui durante henter e luna aki na unda cu clientenan ta paga solamente 5 cen pa minuut despues di nan di dos minuut mientras cu pa esnan cu ta haci yamadanan internacional lo haya 5 minuut na yamada gratis cada bez cu nan papia pa 5 minuut largo. Riba dje e compania awe lo parti premio na cantidad riba caya, cuminsando for di mianta trempa te cu atardi laat. Lo core den autonan dorna awe y lo duna regalo na esnan cu awe bisti na cora. Tambe lo tin chens di gana premionan special awe ora cu cumpra un celular nobo den cualkier un di e tiendanan



di Digicel. Claro cu tur cliente awe lo haña bolo regalo ora cu nan drenta den cualkier un di e tiendanan di Digicel, cu awe ta di fiesta.

Tin dos campaña cu te awe ta den mente di tur hende

## Digicel a resalta pa su creatividad den campananan promocional

“TUR nos campananan ta hala atencion, pero mi ta sigur cu tin por lo menos dos di nan cu semper a keda pega den mente di nos clientenan”, asina Michelle Winklaar a bisa ora cu e tabata recorda e ultimo 5 añanan di Digicel na Aruba. E ehecutivo di e compania cu mas ta creciendo na Aruba, Antiyas, den Caribe y awendia hasta den Centro America a enfatisa cu for di nan inicio nan a sa di causa furor den e mercado. “No por otro. Prome cu nos a lanza nos servicicionan e comunidad nunca a experiencia un competencia asina fuerte cu lo por a cambia hasta e forma di propaganda productonan”, el a añadi. Mi ta corda ainda dia cu nos a lanza nos prome campaña di fin di aña na November di aña 2003. Nos a lanza un promocion na unda cu clientenan cu a cumpra un celular prepaid of postpaid por a participa den nos campaña cu tabatin un premio special di “Biba un aña gratis cu Digicel”. E ganador di e campaña a ricibi su hypotheek, awa, coriente,

comestibles y gasolin paga durante un aña largo. Riba dje a regala cada miembro di famia un celular gratis y un suma di Afl. 1000.00 na yamada gratis durante un aña largo. Esaki tabata solamente e prome premio, pasobra ainda tabatin un cantidad di premio mas chikito.

“E aña siguiente nos a pensa con nos lo bay surpasa e espectativanan di nos clientenan. E ora ey nos a lanza nos campaña di *Spin e wiel pa gana 100 mil* cu mesora a pega masha duro tambe”, asina Michelle Winklaar a recorda. Dia 2 di Januari 2005 a saca e ganador di e campaña aki durante un programa Live na ATV for di Crystal Theater den Renaissance Resort. Aki un hoben a gana e suma grandi aki cu mesora ela bisa di lo usa pa su estudio. Ta obvio cu desde e tempo ey e compania a bin ta hincando masha tempo y preparacion den su campananan publicitario pasobra e comunidad tur aña sa cu Digicel ta bin cu algo spectacular.

# PABIEN DIGICEL



SINCE 1890






# Quick

Electrical Services

## Pabien DIGICEL

cu boso 5 aña di existencia



# Denis O'Brien a bini Aruba specialmente na e ocasion ey **Lansamento di Digicel na Aruba tabata spectacular**



E tabata masha spera pasobra e intencion tabata pa lanza e servisionan di Digicel for di algun luna prome. Contratiemponan sinembargo a haci cu cada bez tabata aplaza e dia di cuminsa cu e operacionnan den forma oficial. Riba dia 15 di Juli 2003 den oranan di mainta sinembargo a tuma lugar e conferencia di prensa den Renaissance Conference Center na unda cu e propio Presidente di e compania, esta Sr. Denis O'Brien tabata na Aruba pa por a anuncia apertura oficial di e servicionan na pueblo. Riba e dia aki a usa modelonan pa presenta e prome modelonan di celular pa nos isla. Durante e conferencia di prensa a haci un presentacion di video pa asina sera e prensa conoci cu e compania cu na e momentonan ey tabata operando den solamente 3 isla. Awendia, 5 aña despues, Digicel ta operando caba den 23 pais y ta spera cu den e siguiente lunanan e cifra aki lo yega te na 26 mercado. Riba un dia manera awe ta bon pa corda toch di unda tur cos a cuminsa.

## Empleadonan fiel trahando 5 aña na Digicel



E compania tabata planea pa habri hopi prome cu na luna di Juli 2003, pero pa diferente motibonan y contratiemponan no a logra e tempo ey. Cu consecuencia cu Digicel a cuminsa opera algun luna prome cu ela lanza su servicionan na comunidad. Como tal, na luna di Februari un total di 11 empleado ta recorda e hecho

cu 5 aña pasa nan a cuminsa nan carera den e compania nobo di comunicacion mobil, esta Digicel. Nos ta menciona carera, pasobra mayoria di e grupo di 11 empleado aki awendia ta ocupa puestonan di supervisor y tin di nan hasta gerencial den e compania na Aruba. E empleadonan fiel aki ta Jeannie Baiz, Junella


Courtar, Jackie Rietwijk, Angie Coronel, Lini Geerman, Ernesto Underwood, Bladimir Yeguez, Arsenio Gumbs y Sheila Richardson. Gerencia y personal di Digicel Aruba ta felicita nan coleganan cu nan aniversario....nan ta ehempelnan di lealtad, colegialidad y ta embahadornan di bon servicio na cliente. Pabien!



**viking**  
FREIGHT SERVICES

## Pabien Digicel

Cu boso 5 aña  
riba nos dushi  
isla di Aruba.





# Internacional

## Betancourt ta dedica condecoracion na compañeronan di cautiverio

E ex rehen Ingrid Betancourt, cu ayera a worde condecora pa president frances Nicolas Sarkozy, cu e Legion di Honor, e distincion Frances mas halto, a dedica e galardón aki na su compañeronan di cautiverio y “na esnan cu lo no bolbe, y esnan cu ta sperando”.

“Bo ta un simbolo di speranza pa Republica Frances y na su nomber mi ta otorgabo e Legion di Honor”, e president Frances a bisa, ora e’la entrega e condecoracion.

“Mi tin un curason aflihi pasobra mi compañeronan di desfortuna, otro colombianonan manera mi, a keda den man di FARC y nan no tin voz”, e ex rehen a bisa contestando e homenahe di president Frances na un muher cu a sa di mantene su mes “digno, para riba su pia, orguyoso y balente” durante e seis aña y cinco luna di cau-

tiverio.

Ingrid Betancourt na e ocasion aki a reitera su yamada, formula na cada ocasion desde su liberacion dia 2 di juli, pa sigui cu e mobilizacion na favor di e rehennan cu ainda ta den mondi Colombiano.

“Mi ta pidi boso pa corda riba nan hunto cumi, y pa sigui lucha, pa sigui papia di e rehennan Colombiano, (...) pa papia nan nan nomber, y tene speranza”, e’la bisa dirigiendo su mes na esnan cu a asisti na e recepcion na ocasion di e fiesta nacional Frances ofreci den hardin di Palacio di Elysee.

“Nan mester worde libera rapidamente”, e’la insisti. Mi ta pidi boso “pa no lubida nan, pa no kere cu ta imposibel pasobra nan mester worde libera rapidamente, esaki ta cuestion di tempo”.

“Evidentemente mi ta conta



cubo señor president, mi ta conta cu Carla (...), mi ta conta cu mi amigo Bernard Kouchner, pasobra boso por papia, boso tin e forza pa pidi y exige. Mi ta conta cu boso tur, cu ta aki cumi”, Ingrid Betancourt a bisa.

E ex rehén, cu a papia e prome parti di su discurso na frances, a sigui despues na spaño “pasobra e momento aki mi ta dedica na Colombia y na mi compañeronan cu a biba asina hopi momentonan difícil cumi”.

Cu un voz cu devezencuando

tabata kibra pa emocion, Ingrid Betancourt tabata tin palabranan special pa esnan cu a worde libera hunto cune dia 2 di juli ultimo, citando entre otro e cabo enfermero William Pérez cu, segun e’la bisa, a salba su bida ora e tabata malo.

“E medaya aki, e distincion aki, ta pa tur esnan cu a sufri cautiverio cumi, esnan cu lo no bolbe, y mas cu tur, esnan cu ta sperando pa nan turno yega pa worde libera”, e’la bisa cun un voz temblante.

Comprometiendo esnan pre-



sente un biaha mas den e lucha pa liberación di tur e rehennan Colombiano, entre cual tin varios militar, Ingrid Betancourt a tira un bista den futuro y a expresa loke e’la bisa ta un sueño.

“Mi ta soña cu e dia cu nan lo t’aki cumi, riba otro 14 di juli, y cu nan lo vibra manera solda observando e desfile extraordinario aki”.

“Nos lo tene man di otro y nos lo tin e ocasion di gradici Francia pa a yuda nos asina hopi”, e’la conclui.

## Oposicion a marcha contra kitamento di derecho pasivo electoral di nan candidatonan



**MILES** di venezolano a marcha diasabra contra kitamento di derecho pasivo electoral cu Contraloría General di e Republica a dicta contra candidatonan di oposicion cu ta opta pa funcionnan regional.

Gritando “Libertad” y cu banderanan Venezolano den man, e manifestantenan a yega pa di dos biaha na Corte Supremo di Husticia, caminda nan a exige pa anula e lista di 272 candidato, mayoria di oposicion, cu contraloria ta impedi pa participa na e eleccionnan municipal di november.



“Nos no por permiti cu nos derechonan civil ta aworde atrapa, pesey nos ta exige pa e tribunal declara e lista como inconstitucional”, segun Verónica Pino, un secretaria di 35 aña, cu tabata tin un pancarta cu e lema: “¡No a la inhabilitación! ¡Si a la constitución!”.

Periodistanan cu a presencia e manifestacion a haci un calculo di como 10 mil participante. No tin cifra oficial di autoridad. Aunque ningun a worde acusa formalmente di ningun delito, e contralor general di republica, Clodosbaldo Russian, na febr-

ari a anuncia un lista di 386 persona cu no por postula nan mes como candidato pasobra nan ta worde vincula cu acusacionnan cu ta varia di nepotismo te na otorgamento ilegal di contratonan publico.

Diabierna ultimo contraloria a reduci e lista aki di casi 371 pa 272, debi na vencemento di e periodonan di sancion, segun e propio Russian a informa. Sin embargo, e lidernan di oposicion ta bisa cu e ta sigui viola constitucion venezolano, cu ta defende e derechonan politico di tur ciudadano a



menos cu esakinan ta acusa di un crimen y condena pa un tribunal. Te awor ningun di e nombrenan riba e lista ta cai bao di e categoria aki.

Representantenan di Iglesia catolico venezolano a condena e lista, y a tuma e prohibicion como “un medida cu ta tira un nubia scur riba e ambiente democrático” di eleccion. Otronan cu ta kere cu Russian ta viola ley cu e lista aki, ta por lo menos 12 miembro di Asamblea Nacional, cu na 1999 a crea e constitucion vigente. Un

di nan ta e ex-casá di Chávez, Marisabel Rodriguez, cu tambe a join e marcha apoya pa varios participante.

Rodriguez tambe a critica Russian pa exclui ilegalmente “esnan cu no ta comparti e programa socialista”.

E president di Tribunal Supremo di Husticia, Luisa Estella Morales, diabierna ultimo a insisti den independencia di e organo, y a sigura cu e hueznan ta studia e caso di hopi cerca.

“Nos no ta acepta presion di marcha, ni di Gobierno”, e magistrada a bisa.



# Miss Venezuela ta Miss Universo 2008



**MISS** Venezuela a logra conquista e titulo di Miss Universo 2008, despues cu ya a haci diezdos aña cu e pais aki a saca un Miss Universo.

Dayana Mendoza a ricibi e corona cu ta confirma cu e ta e muher mas bunita di e planeta. Sorpresivamente e aña aki, di e cinco finalistanan di e concurso di beyeza mas famoso di mundo, cuater tabata latino. Taliana Vargas, Miss Colombia, tabata e prome finalista; Miss Republica Dominicana tabata e di dos finalista; Miss Rusia



e di tres finalista; y como di cuater finalista a worde elegi Miss Mexico. E ciudad costera Vietnamita di Nha Trang tabata yen di beyeza cu tur e reinanan cu a brota beyeza y energia den e gran evento aki.



## Chávez ta menasa cu denunciá Exxon pa robo di petroleo

**MARACAIBO** - President Hugo Chávez a menaza cu denunciá e multinacional petrolero Exxon Mobil na tribunalnan internacional pa e supuesto robo di petroleo venezolano via “tuberianan secreto”.

“Y nos tin e pruebanan pa bai tribunal internacional.... Nan tabata tin algun campo cu nan mes ta controla, nan tabata saca petroleo den oranan di marduga, via tuberianan scondi den mondi, y gas tambe. Nan tabata bisa cu no tin gas, y mientras tanto nan tabata horta gas di nos”, e mandatario venezolano a bisa durante e di V cumbre di Petrocaribe, cu a tuma luga na Maracaibo, Venezuela.

Chávez no a splica na cual tribunal e lo haci e demanda, ni tampoco e procedencia di e pruebanan, pero e’la sigura cu

e y su ekipo ta sigui “acumula un archivo” di e actividadnan di Exxon Mobil, tempo e compania aki tabata opera na Venezuela, añanan atras. Exxon Mobil, cu sede na Irving, Texas, ta den un bataya legal cu Caracas despues di e nacionalisdacion, na mei 2007, di su proyectonan na Venezuela.

Na januari ultimo, e compania a presenta documentonan den un corte na New York, cu ta demostra cu Exxon a logra haya un congelamento di 12.000 milyon dolar na activonan mundial di PDVSA pa parti di un corte britanico. Pero na fin di april un juez britanico a anula e orden ey.

Chávez tabata satisfecho cu e decision na e momento ey, pero a adverti: “nos mester keda alerta pasobra nos sa ta ken nos ta enfrentando, nos

sa cu imperialismo no ta reconoce ley”, e’la bisa, aparentemente refiriendo na e hecho cu ainda e proceso di arbitrahe entre e empresa Mericano y PDVSA ta pendiente.

E compania Mericano, dilanti husticia a cuestiona e nacionalizacion di un di su cuater proyectonan di petroleo pisa den cuenca di e río Orinoco, un di e depositonan mas rico di mundo.



## PABIEN DIGICEL



**Aruba Security  
& Crime Prevention**



# Fiesta nacional Frances presencia pa cantidad di hefe di Estado

**DEN** un hecho sin precedencia, e desfile militar di e fiesta nacional Frances na París a tuma lugar ayera dilanti decena di Hefenan di Estado y di gobierno, entre cualnan tabata e controversial president sirio Bachar Al Assad y e secretario general di Nacionnan Uni, Ban Ki-moon.

Tur e dirigentenan cu a participa diadomingo na e cumbre di inauguracion di Union Mediterraneo (UPM), cu ta consisti di 43 pais, a worde invita pa president Frances pa ta parti di e tribuna di honor di e desfile, ubica na Place de la Concorde, na e parti abao di e avenida famoso di Champs Elysee. Mayoria di e invitadonan di diadomingo tabata presente pa e ocasion aki, incluyendo Al Assad, e prome ministro israeli Ehud Olmert, e president egip-

cio Hosni Mubarak y e president di Autoridad Palestino, Mahmud Abas.

Olmert y Al Assad, cu nan pais ainda oficialmente ta den guerra desde 1948, tabata sinta un par de meter di otro, pero a evita di topa otro ora nan a yega e tribuna oficial.

Entre e presentenan tambe tabata e canciyer aleman Angela Merkel, e prome ministro italiano Silvio Berlusconi y e president di gobierno Spaño, José Luis Rodríguez Zapatero. E presencia, entre e hefenan di estado y alto funcionarionan, di Bachar Al Assad, cu ta dirigi un di e regimennan cu ta worde considera esun mas represivo, a worde fuertemente critica na Francia, pa e oposicion di izquierda y pa organizacionnan di defensa pa derechonan humano.

Ex militarnan Frances a muestra nan disgusto pa e presencia di Bachar Al Assad, denunciando “un ofensa na memoria” di 58 solda Frances cu a muri na Beirut na 1983, den un atentado contra nan cuartel, atribui na Siria pa hopi observador.

Esnan responsabel di Francia a bisa cu Assad a worde invita mescos cu tur e otro dirigentenan cu a participa diadomingo na e inicio oficial di Union Mediterraneo, un di e proyectonan grandi di e president Frances, Nicolas Sarkozy.

Prome ministro Frances François Fillon tabata ausente na e ceremonianan pa motibo di enfermedad.

Invitado di honor na e ceremonia tabata secretario general di Nacionnan Uni, Ban Ki-moon, cu a saluda e dos contingentenan cu helm blau cu a encabeza



e parada.

Otro novedad di e ceremonia tabata e lectura pa un actor Frances di origen Argelino, Kad Merad, di extractonan di e Preámbulo di e Declaracion Universal di Derechonan Humano dilanti e tribuna di e Hefenan di Estado, incluyendo

Assad.

Banda di e desfile, cu a worde sigui pa miles di frances y turista cu a yena e aceran di e avenida, polis a detene miembronan di e organizacion di defensa di prensa ‘Reportero-nan sin Frontera’, cu a trata di manifesta contra presencia di e president sirio.

# Mexico ta existi Merca pa admiti cu nan tomati ta liber di salmonela



México ta e principal proveedor di e verdura

**GOBIERNO** Mexicano, diabierna ultimo, a existi autorizadnan Mericano pa admiti cu tomatinan Mexicano ta limpi y no ta origen di e brote di salmonela na Merca cu ya ta afectando mas di 1,000 persona.

Secretariado di Agricultura a sigura den un comunicado cu e analisis di muestranan di awa, suelo y tomati cu Administracion di Alimento y Medicina Mericano (FDA) a tuma na Mexico, a resulta negativo pa Salmonela Saintpaul.

E afirmacion aki a bin di e hecho cu parti di e mesun

muestranan cu FDA a tuma durante un inspeccion na e pais di ranchera entre dia 21 di juni y 3 di juli, a worde analisa tambe pa autorizadnan Mexicano.

“E probabilidad di cu den e muestranan manda pa laboratorionan na Merca lo a haya e bacteria ta hopi abao of nulo”, Departamento di Agricultura Mexicano a laga sa.

FDA ya a libra 28 estado Mexicano di un sospecha como posibel lugar caminda e brote di salmonela lo por a origina. No obstante, tres estado (Coahuila, Jalisco y Sinaloa) ainda

ta pendiente pa worde libra. “Autoridadnan Mexicano ta tene nan mes estrictamente na e exigencianan pa FDA reconoce e calidad, confiabilidad y seguridad di e producto mexicano aki, manteniendo

esaki na e nivel di comercializacion cu e tin pa añanan caba”, e departamento a añadi.

Sinaloa ta e principal productor di tomati na México, aunke e temporada di cultivo di e aña

aki a pasa caba.

Gobierno Mericano pa varios siman a atribui e brote di salmonela na tomati, sin embargo, awor nan ta bisa cu promente jalapeño y cilantro tambe por ta implica.



## Productive Business solutions

**xerox** 

Exclusive Distributor  
Aruba & Curacao

# Pabien DIGICEL

## cu celebracion di boso 5 año di existencia



# Temblor di 4 grado di magnitud a sacudi capital di Perú

UN temblor di 4 grado den scala di Richter a sacudi Lima ayera, sin ocasiona víctima ni daño material, Instituto Geofísico di Perú (IGP) a informa.

E movimiento a tuma luga 5:00 am ora local y su epicentro a registra den oceano Pacífico, na 20 miya zuidwest di e puerto El Callao, cu un profundidad di

25 miya.

Den e scala modifica di Mercali e intensidad di e temblor tabata di 2 pa 3 grado na Callao, 2 na Lima, Huaral y Chosica.

Den loka ta bai di 2008 a registra mas di 70 temblor sensibel na Perú, segun IGP.

Dia 15 di augustus aña pasa un temblor di 7,9 grado riba scala



di Richter a laga 595 morto, 300 desapareci y casi 300.000 damnificado den e region costero di Ica, na 186 miya sur di Lima.



## Cansa di Busca?



**MANCHITO'S**

No busca leu..

Bishita nos pa  
escoge e mihor  
flus, dashi,  
camisa, carson  
y mucho mas

Awor cu

**MERCANCIA  
NOBO!**


Situa na Avenida Milo Croes 71 • Tel 5822303  
Habri di Dialuna pa Diasabra 9am-6pm



# Deporte

No a logra mucho

## A.J. Burnett ta yuda Toronto gana Yankees



E venesolano Marco Scutaro a dal un homerun di tres careda, A.J. Burnett a keda na dos out di tira un blankea y Toronto Jays ta gana diadomingo cu score di 4-1 riba New York Yankees. Burnett ken a tira cu tres dia di descanso, a permiti un careda y seis hit, a regala un base por bola y a poncha ocho rival den ocho inning y un tercio pa haya e victoria. E pitcher tin un record di 3-0 cu promedio di caread limpi admiti di 3.00 ora a tira cu menos di tres dia di descanso. Sin embargo, Jason Giambi a kibra su aspiracion di tira un blankeada na dal un homerun solitario den di

nuebe inning, su di 19 den e temporada.

E boricua Jorge Posada a bin cu un single prome cu B.J. Ryan a releva Burnett. Ryan a obliga e dominicano Robinson Cano dal un rolling pa un double play cu esaki ta yega su di 18 wega salba den 20 oportunidad.

Yankees a caba e prome mitar di temporada cu derrota den tres di cuatro wega den serie consecutivo contra Pirates y Jays.

E record di New York, 50-45, ta representa un mehoria cu esun di aña pasa, cu a yega All Star Game cu mesun number di gana cu perdi.



Pa algo nan ta lider

## Francisco Rodriguez a salba su wega 38 y Angels ta sigui na cabes



UN single di e dominicano Erick Aybar a drenta den e cuadra, cu dos out den di nueve inning, a produci diadomingo e careda di victoria di Los Angeles Angels cu score di 4-3 riba Oakland A's, kibra otro salida solido di Justin Duchscherer. Casey Kotchman a dal un homerun y Howie Kendrick a empuha dos careda pa yuda Angels na registra su triunfo 19 despues di kita un desventaha y pone su record na 36-19 den weganan dicidi pa dos careda of menos, e mihor record di su tipo

den Grandes Ligas.

E venesolano Francisco Rodriguez a sali di un problema cu base yen den di nueve inning pa obtene su di 38 wega salba den 41 oportunidad, cual ta encabesa liga grandi den e record aki. Torii Hunter y e venesolano Juan Rivera a dal un single pa cuminsa di nueve inning contra e pitcher hapones Huston Street, ken a perde su posibel cuarto wega salba.

Kendrick a conecta un fly di sacrificio pa empata e wega. E corredor emergente Reggie Willits a reemplaza Rivera den primera base y a avansa pa segunda base cu un toke di sacrificio di Ryan Buddie.

E ora ey Aybar a conecta un bataso cu a bay den e guante di Street, e tiro di e shortstop Donnie Murphy pa primera base Daric Barton a yega laat. Willits nunca a stop di core, Barton a tira e bala pa e catcher Kurt Suzuki, pero e corredor a evita wordo toca.



## NOS TA REGALABO UN CELULAR

Si bo tip conduci na un articulo exclusivo den AWEMainta  
Potret saca cu camara of celular tambe ta participa

## TIPLINE

sms: 733 -TIPS, hotline: 733-8477  
of email: [tips@awemainta.com](mailto:tips@awemainta.com)



**Digicel**

E Red Mas Grandi y Mior.



Cu poco tempo

## Josep Guardiola a reconece cu lo no conta cu hopi pasenshi di e publico



E entrenador nobo di FC Barcelona, Josep Guardiola, a expresa su convencimiento di cu lo no tin mucho tempo den e cargo pa hasi funciona e prome team di Barcelona, ni tampoco a solicita comprension. “No por biba pensando cu tin tempo. Nos ta adapta, si of si”, e entrenador a señala.

Guardiola no ta kere cu e situacion di inestabilidad cu ta pasando den e club desde un par di luna, cu e celebracion di un referendum di mocion di censura, ta bay afecta su trabou. “Si e no sali nos bon, e culpa lo ta no. No por basha tur culpa riba otro”, el a señala.

“Awo e presidente di Barcelona ta Joan Laporta. Mas despues, lo dicidi e circunstancia. Nos lo por yuda hopi y tambe pa tin paz”, el a añadi.

E entrenador di Barcelona a reconece cu lo tabata kier dispone di tur e efectivo pa traha den e filosofia cu ta desea, tanto den training como den wega.

“Nos ta loke nos ta”, el a limita na bisa pa acepta e situacion cu Barcelona ta aden, na spera cu concreta e compra di un delantero. Obhetivo cu e ex hungador di Barcelona no a duna ningun pista.

Di e filosofia cu ta pretende impulsa e Barcelona nobo, Guardiola a señala cu ta interesa e control di e wega “ofrece espectáculo”, defende y ataca bon. E entrenador di Barcelona tin cla cua mester ta su obhetivo den banki pa sigui ta sinta riba e stoel.

“Mester sali cu honor”

## Joan Laporta a reconece e importante oferta di Manchester City pa Ronaldinho



JOAN Laporta, presidente di FC Barcelona, a admiti e existencia di un importante oferta di Manchester City pa e brasileño Ronaldinho Gaucho (32 miyon di euro), un hungador cu tin cu sali cu tur honor di e club, segun e dirigente.

Den un declaracion na “Catalunya Radio”, Laporta a splica cu e hungador, ken lo yega na Barcelona hunto cu Roberto de Assis, ruman y representante, tin dos propuesta interesante, un di Milan y otro Manchester City, aunke ta muestra ta gustando mas pa e oferta di Manchester City. E dirigente a garantisa cu Ronaldinho lo sera su etapa den Barcelona “bon” y a insisti cu e interesnan tanto di e hungador como di Barcelona

ta hunto.

“Tin cu sali di e club cu tur honor, paso tabata un homber cu a duna e ilusion na e fanaticonan, el a debilbe e ilusion na tur. El a hunga un papel determinante den e logro di e dos Liganan, un Champions y dos Supercopa. Tin cu mantene esey den recuerdo”, e presidente di Barcelona a insisti.

Barcelona ta prefera cu Ronaldinho bay pa City pa e gran oferta realisa pa e team di cual e propietario e multimillonario tailandes Thaksin Sinawatra. Sin embargo, e deseo di e brasileño ta por bay Milan, aunke e oferta realisa pa e team ta apenas 10 miyon di euro.





Hasta prome cu e compania a lanza su servicionan na Aruba

# Digicel a bira sponsor di “Special Olympics”

NAN tabata para eynan ora cu e organisacion tabatin masha dificultad pa por a haya sponsor pa yuda nan. Probablemente e organisacion tras di “Special Olympics Aruba” no kier ni pensa mas riba e temporada prome cu Digicel a lanza su servicionan riba nos isla. Esaki pasobra desde cu e compania a establece, mesora nan a sera un alianza strategico cu e organisacion cu ta traha na bienestar di nos deportistanan special. Por corda ainda cu na aña 2003 tabatin e weganan olympico pa e deportistanan special y a tuma lugar na Dublin, Irlanda. E organisacion tabatin masha problema pa haya patrosinio for di comercio y Gobierno....y ta precisamente e tempo ey cu Digicel tabata cla pa por a cuminsa su operacionnan na

Aruba. E Presidente di Digicel Group e aña ey pa colmo tabata Presidente di e comishon organisador di e weganan olympico special na Irlanda. Mesora el a instrui su hendenan na Aruba pa yuda e hobennan di Aruba pa nan por a participa. Digicel a firma un acuerdo di patrosinio e tempo ey hasta prome cu nan a lanza, pasobra finalmente e compania a cuminsa ofrece serviso na comunidad te na Juli di e aña ey. Es mas, Digicel a organisa diferente evento caritativo cu nan empleadonan pa asina por a logra yega na extra fondonan y di e forma aki por a yuda e organisacion cu Afl. 20.000.00 adicional. Te cu awe, 5 aña despues....ainda Special Olympics ta un di e patrosinonan di mas grandi y importante pa e compania anualmente.



No solamente na Aruba, sino den tur mercado unda Digicel ta estableci nan ta aporta na nos hendenan special. Aki na Aruba por bisa orguyosamente cu nan tin un empleado special den serviso for di algo despues cu nan a cuminsa opera y e em-


pleado tin casi 5 aña caba den servicio di Digicel Aruba.



Inovacion ta algo cu nos dos tin den comun

# PABIEN!



## THE CINEMAS

SCHEDULE VALID TILL JULY 15

AT RENAISSANCE - ORANJESTAD				
PG	<b>MEET DAVE</b>	daily: 4:15	6:15	8:15 10:15
		matinee: 12:15	2:15	late show: 12:15
PG-13	<b>HANCOCK</b>	daily: 4:10	6:10	8:15 10:20
		matinee: 12:00	2:50	late show: 12:20
G	<b>WALL-E</b>	daily: 4:40	6:55	9:10 11:25
		matinee: 12:10	2:25	late show: 11:25
R	<b>WANTED</b>	daily: 4:45	7:00	9:10 11:25
		matinee: 12:20	2:35	late show: 11:25
PG-13	<b>GET SMART</b>	daily: 4:55	7:15	9:35 11:55
		matinee: 12:15	2:35	late show: 11:55
PG	<b>KUNG FU PANDA</b>	daily: 3:50	5:40	7:40 9:30
		matinee: 12:05	2:00	late show: 11:20

AT PASEO HERENCIA				
PG	<b>MEET DAVE</b>	daily: 4:25	6:25	8:25 10:25
		matinee: 12:25	2:25	late show: 12:25
G	<b>WALL-E</b>	daily: 4:40	6:50	9:00 11:10
		matinee: 12:20	2:30	late show: 11:10
PG-13	<b>HANCOCK</b>	daily: 4:10	6:10	8:10 10:10
		matinee: 12:15	2:15	late show: 12:10
PG-13	<b>GET SMART</b>	daily: 4:50	7:10	9:30 11:50
		matinee: 12:10	2:30	late show: 11:50
R	<b>WANTED</b>	daily: 4:30	6:40	9:00 11:10
		matinee: 12:05	2:20	late show: 11:10
PG	<b>KUNG FU PANDA</b>	daily: 3:45	5:40	7:30 9:20
		matinee: 12:00	1:50	late show: 11:20

**DRIVE-IN** July 10 – July 13

**R PATHOLOGY**

Thursday: 8:00 Friday: 8:00 & 10:30

**PG-13 IRON MAN**

Saturday: 8:00 & 10:30 Sunday: 8:00

**CAR CRASH EVERYDAY**

**Matinee: EVERYDAY | Late show: Fri & Sat**



Ta bringa pa gol

## Dida lo kier bolbe bira e keeper titular di AC Milan



E keeper Dida a propone recupera e aña aki su puesto di titular den Milan despues di a perde esaki na final di temporada pasa. E brasileño a indica cu a rechasa e cinco milyon di euro cu a ofrece e club pa cu kibra su contract cu tin t'e 2010, pa cual gana cuatro milyon di euro anual.

"Ami ta sinti den duda cu e club y cu mi compañeronan, mi lo no acepta hamas sali di Milan despues di un final di temporada manera esun anterior", el a expresa den un entrevista publica.

E hungador a bisa cu ta busca reconquista e puesto y confianza di tur y despues lo corresponde na e tecnico dicidi kiko ta pasa.

A sigura no ta teme e competencia di e otro dos keeper di Milan, e australiano Zeljo Kalac, cu a kita e puesto di titular y Christian Abbiati, cu a regresa e team despues di milita den Atletico di Madrid.

Dida a bisa cu a recupera di un problema na lomba, di cual a influi den su desempeño den e campeonato anterior, y cu awo ta sinti den forma, hopi contento y mas cu bon den físicamente.

Ta sigui tras di Dinho

## AC Milan ta spera yega na un acuerdo cu Ronaldinho



AC Milan ta spera por conta cu e talentoso brasileño Ronaldinho, aunke ta ofrece e mitar cu Manchester United paso "e hungador solamente

kier hunga cu nos", e consultor di mercado di e club italiano a bisa.

Barcelona a duna na conoce publicamente cu e club ingles a ofrece 32 milyon di euro pa su pase (48 milyon di dollar) y cu no a ricibi ningun oferta di Milan, cu segun e prensa, lo ta dispuesto na paga mitar.

Sin embargo Bronzetti a sigura cu "Ronaldinho kier solamente y exclusivamente Milan y e club kier cumpra esaki cu un cifra husto y si no logra esey, mi ta kere cu na final lo keda den Barcelona", segun declaracion publica pa Corriere dello Sport. Bronzetti a compañía Adriano Galliani pa Barcelona den un intento pa yega na un acuerdo cu e club paso ya ta existi un comprondemento cu e hungador.

Zico, e brasileño cu a hunga na Italia, den Udinese, y t'e cu poco ey tabata entrenador di Fenerbahce turco, a muestra di acuerdo cu e contratacion di Ronaldinho, "pero semper y ora ta bolbe ta e hungador di antes".



# Digicel

E Red Mas Grandi y Mihor.

Staf y personal di AWEMainta  
kier a felicita henter e crew di Digicel  
cu nan 5 aña sirbiendo e comunidad di aruba

## DANKI!



e corant di Toko



Destino nobo?

## Manchester United a ofrece un cantidad grandi pa Sergio Aguero



E representante di Sergio Aguero lo duna na Atletico Madrid un oferta di un club ingles pa hiba e hungador na Premier League y segun e prensa spaño esey ta Manchester United, cu lo busca e argentino pa ocupa e eventual salida di e portugues Cristiano Ronaldo pa Real Madrid. “Mi a ricibi un oferta di un gran club ingles y mi a puntra si por traslada e oferta na Atletico di Madrid. No por bisa nada mas t’e cu papia cu e club riba e oferta concreto. Solamente por bisa cu ta un di e mihor teamnan di Europa y cu no ta trata di Chelsea”, Jose Segui a bisa, un di e representante di e grupo cu ta representa Aguero.

E corant a sostene cu e oferta ta di Manchester lo rondona 55 miyon di euro, cu ta estipula e clausula di rescision di e contract entre e club y e argentino.

Sin embargo, e presidente di Atletico, Enrique Cerezo, mas di un biaha a bisa cu Kun no ta na benta y cu lo sigui pa hopi aña den e team di Madrid.

Prome ta respet

## Luiz Felipe Scolari ta pidi su hungadornan acepta su autoridad

**LUIZ** Felipe Scolari a indica diadomingo cu ta spera cu e hungadornan di Chelsea respeta su autoridad.

E brasileño, tecnico nobo di e team ingles, ta famoso pa su enfoka firme, loke ta sugeri cu no ta tolera un ripiticion di loke a pasa aña pasa.

E club a reemplasa e entrenador Jose Mourinho cu Avram Grant na september, den medio di un ambiente di malestar entre e hungadornan, pero ainda asina tin rumor cu tin algun miembro di e team descontento cu e strategia y e seleccion di futbolistanan.

“Tin cu sa cu ta 11 solamente por hunga”, Scolari a bisa diadomingo. “E ta mi trabou selecciona e hungadornan y papia cu nan, entrena nan y duna un oportunidad den e wega aki of e otro”.

Pero e ex tecnico di Brasil y di Portugal a priminti cu lo duna tur e futbolistanan un turno den e team titular.

“Tin cu ta profesional”, Scolari a bisa. “Ami ta observando cada training, cada dia, observando e reaccion nan. Si ta posibel, mi ta bay duna oportunidad na tur hungador”.



**ARUBAANSE VOETBAL BOND  
TA PRESENTA**

**CONCACAF U-20 CHAMPIONSHIPS QUALIFYING ROUND**



**16 - 20 JULI 2008**

**COMPLEHO DEPORTIVO GUILLERMO TRINIDAD**



**ARUBA**



**Surinam**



**Dominica**



**St. Kitts**

16-07-2008	6:30 PM	Surinam	vs	Dominica
16-07-2008	8:30 PM	ARUBA	vs	St. Kitts
18-07-2008	6:30 PM	Surinam	vs	St. Kitts
18-07-2008	8:30 PM	ARUBA	vs	Dominica
20-07-2008	5:00 PM	Dominica	vs	St. Kitts
20-07-2008	7:00 PM	ARUBA	vs	Surinam

**Entrada na Porta:**

**Adulto Afl. 10.00 Mucha Afl. 5.00**

***Tambe tin Package***

**Entrada pa tur 3 dia:**

**Adulto Afl. 20.00 Mucha Afl. 10.00**

**Carnet di Cortesia di campeonato di AVB no ta valido**



Diaranson, “Hunto nos ta Aruba” ta presenta.

# W.E.B. Aruba N.V. cu desaroyo nobo pa parke di molina di biento

Na Vader Piet.

**TIN** biento nobo den e di dos proyecto pa uza energia di biento como fuente energetico alternativo.

E Hefe di Bedrijfsbureau di W.E.B. Aruba N.V., Sr. Luis Oduber ta di acuerdo cu esaki. Na 2004 a cuminsa cu e prome esfuerso pa desaroya un parke di molina di biento na Vader Piet; un tereno di 1½ kilometer, cu e intencion pa W.E.B. Aruba N.V. haci esaki un proyecto “turn-key”. E empresa mes lo a cumpra, instala y opera e planta. E prijsnan den e diferente ofertanan tabata exaheradamente halto y mescos e gastonan.

P’esey awe W.E.B. Aruba N.V. ta scohe pa un asercamento diferente; e asina yama I.P.P., “Independent Power Producer.” E ta nifica cu W.E.B. Aruba N.V. a sondea companianan renom-

bra cu no necesariamente ta fabricante di molina di biento so, sino tambe companianan cu por desaroya e proyecto na Vader Piet. Nan solidos si ta relevante. Dos luna pasa un proceso di screening a start pa produci 7 compania cu mester compronde e importancia dje proyecto y e proyecccion pa un contrato di 15 aña. E compania cu gana e oferta lo cumpra e ekipo, construi e parke di molina, oper’e y mantene. Asina bendiendo e coriente genera na W.E.B. Aruba N.V. Esey ta e concepto di IPP.

W.E.B. Aruba N.V. na su turno lo percura pa e infraestructura pa conecta nos red di electricidad na e parke di molina na Vader Piet un distancia di alrededor di seis kilometer.

Den e proximo programa di

Hunto nos ta Aruba, cu ta pasa Diarason 16 di juli na ATV y Tele Aruba, lo duna un impresion di desaroyo di e proyecto na Vader Piet. Cuanto coriente e molinanan lo produci, kico e ta nifica pa e produccion total di electricidad y kico e lo nifica pa e consumidor na final di cuenta? Esey ta aspectonan cu lo ilustra den e programa informativo di 10 minut, como esfuerso di N.V. ELMAR y W.E.B. Aruba N.V. pa ta mas transparente posibel relaciona cu desaroyonan cu ta tuma lugar den e companianan.

E crecimiento sin precedente di prijs di crudo y su consecuencianan pa Mundo y Aruba ta pone retonan nobo pa companianan di utilidad. Pa medio di e programa di TV: “Hunto



nos ta Aruba”, e dos companianan di utilidad ta muestra con nan ta aserca e retonan aki y kico comunidad mes por haci awe, ora e necesidad pa kita e dependencia riba petroleo ta forsa tur hende pa cambia nan forma di biba.

Cu e proyecto di molina di biento W.E.B. Aruba N.V. como e

empresa di awa y electricidad nacional ta haci un esfuerso mas pa yuda diversifica y los un poco mas di e dependencia riba fuel oil mirando e condicionnan ideal di biento cu tin na Aruba. Un version mas cortico di e programa di television aki lo pasa dianan 21, 22 y 23 di juli den e noticiero di diferente radio emisora.

Segun Rudy Lampe di RED

## Tin hopi duda riba legalidad di control di sumanan di AZV

**DURANTE** un conferencia di prensa cu a tuma lugar recientemente na cede di e partido blanco, Parlamentario di e partido RED, sr. Rudy Lampe a trece varios punto dilanti, entre otro nan preocupacion pa loke ta trata e desaroyo negativo cu ta tumando lugar na AZV. Segun Rudy Lampe, ta mira cu atrobe, Minister di Salubridad Publico, drs. Booshi Wever, ta sali den un luz negativo despues cu nos ta lesa e accountants raport REGARDANDO AZV, pa loke ta trata e jaarverslaag di 2007 y aki nos ta mira un di e conclusionnan di e raport ta bisa claramente cu e gastonan a aumenta pa loke ta cu a manda pacientenan den exterior den 2007: “is vooral toe te schrijven aan de specialisme cardiologie en oogheelkunde”.

Exactamente e dos areanan cu Minister Wever a bringa nos Arubianonan y e consecuencia ta cu awor cu el’a destrui

loke ta cardiologia y oogheelkunde cu tabata den man di nos yiunan di tera, aworaki e accountants verklaring di KPMG ta señala cu e gastonan di AZV a subi drasticamente, pasobra mester manda hopi mas paciente den exterior pa loke t’e dos especialisacion aki.

Aki bo ta mira claramente cu e maneho di Minister Wever ta haya un dikke onvoldoende dor di e accountants raport aki di KPMG y si tabata na cualkier otro pais e Minister lo a saca su conclusion di inmediato ora cu raportnan sali asina aki.

Y e ta sigui bisa e ora cu e loke t’e Centro Medico San Nicolas e raport ta bisa cu nan no tin bista riba AZV, “ontbreekt bij het uitvoerings organ AZV”, loke t’e zorgkosten pa loke ta Centro Medico San Nicolas; “het inzicht in de geleverde zorgprestaties en daarmee in de feitelijke bescheding van de middelen”.

Nan no tin idea mas di 8 miyon florin cu pueblo ta paga pa loke ta Centro Medico, nan no tin idea con e placa ey ta wordo gasta y loke ta sigui despues den e mesun raport aki pa loke ta Centro Medico, nan tin cu duna e ora ey, cu nan no por duna limitacion pa loke ta e gastonan di AZV, pasobra tin duda riba e legalidad di e gastonan di Centro Medico. Y e ta sigui bisa tambe, cu tin duda riba legalidad di e control di e sumanan no tin un bista riba con e gastonan aki a wordo haci, e ta sigui bisa cu e Hunta Comisario di AZV, riba nan mes a dicidi cu ta AZV ta paga e suma ey toch, apesar cu tin e dudanan aki.

Tin un decision di ariba a cay pa no pone e Minister personalmente responsabel p’esaki, e ora Hunta Comisario a yuda pa bisa ok, nos ta acepta pa paga e suma aki y dor di esey el’a bin den e responsabilidad financiero di AZV. E conclusion



ta, Minister Wever atrobe tin 8 miyon florin di pueblo cu e mester bin responsabiliza su mes, pasobra loke ta para den e raport aki, ta crea hopi duda. Un di e tantisimo escandalonan cu ta involucra e mesun Minister Booshi Wever, según Rudy Lampe.



**NOTARIAAT TJON AJONG****EXECUTORIALE VERKOOP****Donderdag 4 september 2008**

Ten overstaan van notaris mr Faride Tjon Ajong of haar waarnemer zal op donderdag 4 september 2008 om 3:30 uur 's middags (15.30 uur) in de Conference Room bij de kamer van Koophandel van Aruba aan de Irausquin Boulevard 10 te Aruba in een zitting bij opbod en afslag in het openbaar worden verkocht, ex artikel 3:268 BWA:

- het recht van erfpacht tot 7 januari 2037 op een perceel domeingrond groot 452 m2, gelegen aan de Pitastraat te Aruba, kadastraal bekend als Eerste Afdeling Sectie E nummer 960, met het daarop staande gebouw, plaatselijk bekend als Pitastraat 2-A; richtprijs: Awg. 257,600.00
- a. een perceel eigendomsgrond groot 223 m2 gelegen te Boegoeroei in Aruba, kadastraal bekend als Eerste Afdeling Sectie K nummer 1769;  
b. een perceel eigendomsgrond groot 331 m2 gelegen te Boegoeroei in Aruba, kadastraal bekend als Eerste Afdeling Sectie K nummer 1770; met de zich daarop bevindende betonstenen opstal van een appartementencomplex, plaatselijk bekend als Boegoeroei 31-A, 31-B, 31-C-, 31-K, 31-L, 31-M en 31-N  
richtprijs: Awg. 218.700,00
- het recht van erfpacht tot 10 maart 2043 op een perceel domeingrond groot 896 m2 gelegen te Moko in Aruba, kadastraal bekend als Eerste Afdeling Sectie L nummer 2189, met het daarop gebouwde woonhuis, plaatselijk bekend als Moko 28; richtprijs: Awg. 244.315,00
- het recht van erfpacht tot 10 juli 2061 op een perceel domeingrond ter grootte van 160 m2, gelegen te Bushiri in Aruba, kadastraal bekend als Eerste Afdeling Sectie K nummer 3723, met het daarop gebouwde, plaatselijk bekend als Caya Zuster Dorothea 33; richtprijs: Awg. 83.000,00
- het recht van erfpacht tot 16 juli 2015 op een perceel domeingrond gelegen aan de Quillstraat in Aruba groot 766 m2, kadastraal bekend als Vierde Afdeling Sectie D nummer 154, met het daarop gebouwde woonhuis, plaatselijk bekend als Quillstraat 28; richtprijs: nog niet bekend
- het recht van erfpacht tot 11 augustus 2024 op een perceel domeingrond groot 600 m2 gelegen te Pos Chiquito in Aruba, kadastraal bekend als Derde Afdeling Sectie G nummer 181, met het daarop gebouwde, plaatselijk bekend als Pos Chiquito 50-F; richtprijs: nog niet bekend

**Onderhandse biedingen:**

Gegadigden kunnen op de bovengenoemde percelen tot en met woensdag, 20 augustus 2008, 17.00 uur een schriftelijk, onvoorwaardelijk bod uitbrengen gericht aan notaris mr F.E.E. Tjon Ajong. Daarvoor is een formulier verkrijgbaar bij het kantoor van genoemde notaris aan de Irausquin Boulevard 22 (tel. 588 34 88).

**Veilingvoorwaarden:**

Op de veiling zijn van toepassing de Algemene Veilingvoorwaarden voor Executieveilingen (de AVVE) alsmede de bijzondere veilingvoorwaarden. De AVVE liggen ter inzage bij onderstaand notariskantoor en de bijzondere veilingvoorwaarden vanaf 27 augustus 2008.

**Overige informatie:**

Van gegadigden op de veiling zal legitimatie worden verlangd. Iedere bidder is gehouden terstond een bankgarantie of andere vorm van zekerheid te stellen tot nakoming van zijn bod en de bijkomende kosten. De Executant behoudt zich het recht voor de executie veiling uit te stellen danwel op te houden zonder daarvoor de reden te noemen.

**NOTARIAAT TJON AJONG**

Arfa Building, Suite 101

Irausquin Boulevard 22, Aruba

Telefoon: (297) 588 34 88 • Fax: (297) 588 34 44

E-mail: bweijers@notaris.aw • info@notaris.aw



## Troep St. Paulus-Michael cu 12 Verkenner na Corsow



**YA** for di basta tempo caba Troep di Grupo Scout St. Paulus-Michael di San Nicolas a cuminsa planea pa pasa nan exigencianan pa scout nivel 2 na Corsow. Cu ayudo di tur mayor, lider y miembronan di troep a logra pa e muchanan por ta na Corsow e fin di siman di dia 11 di juli pa completa nan hazaña.

Desde diabierna atardi e verkennernan a cuminsa cu e proyecto

scout nivel 2 bou guia di dirigente di Verkennergroep St. Antonius di Santa Maria, Corsow. E proyecto ta encera evaluacion di diferente exigencia scout riba nivel 2: traha vlot, lesa mapa y compass, E.H.B.O, señal, etc. E scoutnan lo completa e proyecto aki den e area di Banda Abao. Durante nan evaluacion nan lo tin como observador solamente un lider scout di Aruba cu ta Vdg. Roger Lake. Demas lidernan lo ta di e grupo scout di Corsow.

E ultimo parti di nan bishita na Corsow lo encera actividad turistico, educativo y cultural. Nan lo realiza un bishita na museo Kura Hulanda, Seaquarium, Christoffel Park y sin lubida shopping na Punda. Tambe lo tin noch di intercambio cu scoutnan di Verkennergroep St. Antonius.

Nos kier a gradici tur persona y instancia cu a aporta generosamente na realisacion di e proyecto aki.



## Aneudi Cabral presente na congreso importante na Spaña



**CHOREOGRAFO** y Bailarin Aneudi Cabral a wordo invita pa acudi na un di e seminario y congresonan mas grandi di Spaña pa duna un Masterclass den su profesion cu ta bailarin y profesor di danceaerobics. Aneudi Cabral ta un Arubiano bibando na Hulanda cu ta hopi activo riba e tereno di baile y entretenimento. Tambe drentando den su ultimo aña di Dance Academy na Amsterdam.

Recientemente Aneudi Cabral a participa den un contest na Hulanda di baile, unda el a sali na di dos lugar. Aki presente, tabatin hopi scouts y hendenan cu ta den e mesun profesion y tereno di baile y fitness. Aki Aneudi Cabral a wordo aserca y puntra si e lo kier presenta un Masterclass na Spaña, Cambrils. E scout a keda sumante impresiona cu e estilo y pasion cu Aneudi Cabral ta presenta y

cu e movecionnan di baile unico cu Aneudi sa di trece dilanti.

Sin dos biaha pensa Aneudi Cabral a bisa si y lo ta biahando pa Spaña pa presenta n'e seminario na Cambrils, The New Presenter Contest 2008, medio juli.

The New Presenter Contest e nace den 2006 manera un evento pa demostra e trabao di esnan cu ta profesional y cu ta interesa den presenta nan trabao y baile den conventions, ofreciendo ademas e oportunidad di ta "presenter" den convencion y evento di baile y fitness na Spaña y Belgica, Portugal, Israel, Hulanda etc ...

Den e edicion anterior enté di 13 presenters, kendenan cu varios tabatin e privilegio den duna masterclass na diferente danceconventions ambos nacional y internacional: Beni-

dorm, Portugal, Israel, Spaña, Hulanda..

The Program New Presenter 08 ta purba na ta un congreso di dance y fitness na unda e presenter por presenta un masterclass den cualkier aerea di e presenter ta specialisa e.o: fitness, aerobics, baile jazz, baile latino, hip hop, ciclismo indoor, tonificación, pilates, mind-body, stretchings.

Aneudi Cabral lo presenta na Spaña un masterclass cu diferente mexcla di baile. Manera, jazz, funk y latino. Sin duda aki na Spaña tambe o tin diferente scouts cu lo ta buscando presenters nan nobo pa na congreso den nan pais ( Israel, Portugal, Belgie, Suzia etc..) Manera semper Aneudi Gabral lo tin Aruba na su curazon y sin duda treciendo Aruba su nomber mas na halto y pa dilanti den exterior.



# Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui number, fam y number di telefon di e remitente. AWEMainta ta keda cu e derecho reduci of edita esakinan pa publicacion.

## Arubiano

**DEN** Awemainta di diasabra 12 di Juli mi por a lesa un articulo scibi pa señora Maria cu ta biba na Hulanda. No ta mi costumber di reacciona riba articulonan scirbi pa un persona pasobra bo tin cu respecta cada hende su opion den un sociedad “democratico” manera nos pais Aruba. Ami tambe ta un Arubiano biba na Hulanda y mi a biba tambe den diferente ciudadnan rond Hulanda. Mi ta den organisacionan Arubiano cu ta organisa actividadnan pa Arubianonan residencia na Hulanda ( Hoben y Grandinan). Cu hopi orguyo mi ta un Arubiano y mi por bisa cu nos ta un di e ciudadanonan mas ehemplar cu ta biba na Hulanda. Nos tur por a lesa con un “Arubiano” a mata un agente policial na Amstelveen, esaki dimes ta algo masha tristo y condenabel cu algo asina a pasa. E perosona aki ta un di e Arubianonan den tanto aña cu a hasi algo asina tristo.

Mi por a lesa den articulo cu señora Maria a scirbi cu si bo bai Centraal Station Rotterdam lo bo haña sa kiko nos Arubianonan ta hasi na Hulanda. Awel esaki ta algo masha straño pasobra di prome station di Rotterdam ta den construccion y no tin niun hende ta para

na centraal y vooral no Arubiano. Loke señora Maria ta hasi ta mescos cu e Hulandes nan ta pone Aruba cu Corsow bow di un capa. No ta tur hende cu ta papia papiamento ta di Aruba y na Rotterdam ami nunca a wak un Arubiano para ( hang ) na station.

Masha tiki bo ta tende un Arubiano ta hasi probelma na Hulanda pasobra nos ta hende cu ta comporta nos nechí. Claro cu niun hende ta santo pero si compara nos cu otro nacionalidad biba na Hulanda nos ta keda lew atras den loke ta criminalidad.

Loke ta dañá nos number na Hulanda ta cu ainda un Arubiano ta wordo mira como un Atiyano y ta wordo yama Antiyano ( cu tur respet pa e Antiyanonan). Si bo wak cifranan di CBS of cualkier departamento gubernamental bo ta wak lo siguiente: Nederlandse Antillen en Aruba: Alloctonen van wie de Nederlandse Antillen of Aruba het land van herkomst zijn.

Loke Monica Kock ta bisa ta berdad niun hende no por bisabo cla ta cuanto Arubiano ta den criminalidad pasobra no tin cifra di esaki. Ami por bisa esaki pasobra mi ta traha na un Gemeente y mi a traha un onderzoek pa e Gemeente caminda nan no tin niun cifra loke

ta trata Aruba como pais/ciudadano pero tur cos ta wordo poni bow di e titulo Antiliaanen. Hopi aña caba gobierno di Aruba mester exige pa Arubianonan wordo inscribi na Gemeente como Arubiano y tambe exige un envistigacion si berdad Arubianonan ta criminal manera ta wordo bisa den boca di pueblo.

Mi ta biba hopi aña feliz y contento na Hulanda y mi ta gradici e pais aki pa a tumami pa asina mi por termina mi estudio aki di nivel halto y asina casit tur otro Arubiano cu mi conose, pero e Hulandesnan semper ta wak otro prome cu nan wak nan mes. Si nos wak ken ta lidernan di e mafia Hulandes no ta niun allochtoon pero nan mes un hende nan manera: Willem Holleeder, John Mieremet, Klaas Bruinsma, Sam Klepper asina bo por keda nombra number di hende responsabel pa hopi hende morto. Na Aruba cu Corsow cuanto biaha Hulandesnan a hasi cos nan contra ley pero ja esey niun hende no ta wak pasobra hopi biaha esaki ta wordo tapa. Pero nos no por tapa solo cu un dede. Nos tur ta hende y nos tur ta pecador esey kieren cu nos tur por hasi fout pero semper bo tin cu wak bo mes prome cu bo wak otro.

## Digicel a introduci diferente servicio na Aruba



**APENAS** nan a lanza nan servisionan na juli 2003 cu ata na december di e mesun aña nan tabata cla pa lanza un otro servicio nobo. E tempo ey a lanza e plataforma GPRS cu ta permiti usarionan di celular pa por haya acceso na internet cu nan celular. Ta for di e tempo ey a cuminsa introduci modelonan di celular cu camara den dje. Usuarionan por a cuminsa saca potret y manda via e aplicacion di GPRS pa otro usarionan. Tambe por a subi e portal di Digicel riba internet y asina haya informacion di tempo,

noticia, loteria y asina por sigui menciona. Na aña 2005 atrobe Digicel a haci un campaña masha grandi cu e tema “Bo Pana” pa promove mas ainda e uso di celular pa procesamiento di data, esta informacionnan digital via celular. Awendia Digicel ta usando e plataforma di EDGE banda di esun existente di GPRS. E plataforma di EDGE ta mucho mas rapido cu e sistema di GPRS. Mester bisa cu no ta solamente esaki Digicel tabata prome den die pasobra na december 2005 e compania tabata e prome pa

introduci BlackBerry na Aruba. Te cu e tempo ey ningun hende no tabata usa e sistema aki ainda riba nos isla, esta pa combina servicionan di email riba bo celular den forma sincronisa. Awendia tin hende cu no por ni imagina nan mes con nan por a biba tur e tempo sin BlackBerry. Digicel orguyosamente por bisa di tin e surtido di BlackBerry mas varia na Aruba, incluyendo modelonan di diferente color manera ta e BlackBerry Curve Gold, Silver, Red y Titanium. Tambe e BlackBerry Pearl Pink, Red, etc.

## Voznan Uni di Banco & Seguro 2008

E aña aki un biaha mas, Arugaldo ta organisa riba un solo anochi, e grandioso festival di canto “Voznan Uni di Banco & Seguro 2008”. Aña pasa e tabata un exito total y e aña aki e ta priminti di bira mas grandi y interesante. Aña pasa a participa 16 cantante cual ganador absoluto den categoria B tabata Norrene Dabian di Boogaard Assurantie y ganador absoluto den categoria A, tabata Ari Kooiman di Boogaard Assurantie y compania cu a sali Compania Ganador den apoyo y ambiente, tambe a bai pa Boogaard Assurantie.

E aña aki tin un total di 20 participante ya caba inscribi y por bisa caba cu e competencia ta hopi mas fuerte e aña aki. Fecha di e festival lo ta 6 di september 2008 y e lugar di e evento ta keda pendiente ainda. Lo tin categoria A y B. Categoria A ta pa cantante nan cu experiencia den canto y categoria B ta pa e cantante no experiencia y cu gana di subi esenario pa canta y pasa bon. Tur e participantenan lo wordo acompaña door di e conocido musico Danny Koolman y e banda di momento C-U Band (ex Eyes Band) y despues di e festival lo tin un grandioso fiesta bailable cu C-U Band te cu 3’or di marduga.

Si tin cantante cu ainda no a inscribi y kier participa den e festival, por yama cel: 964 2049 of manda un e-mail na [arugaldo@hotmail.com](mailto:arugaldo@hotmail.com) ya cu inscripcion lo sera diabierna 18 di juli 2008. Compania nan cu ya a confirma nan participacion ta: Sagicor, Boogaard Assurantie, Nagico, Seguros Geerman, Alico, RP Collections, SVB, AZV, CMB, Banco di Caribe y FCCA. Un invitacion ta bai pa tur colega den mundo di seguro, banco y otro institutonan financiero y tambe Aruba completo pa bin presencia y baila pasa bon den e grandioso festival di canto “Voznan Uni di Banco & Seguro 2008” dia 6 di september venidero.



Celebrando nan prome lustro na Aruba

## Digicel cu Dia di Famia pa su empleadonan na Rancho Daimari

DEN cuadro di nan celebracion di prome lustro, Digicel Aruba den fin di siman a tene un Dia di Famia pa su empleadonan. Hunto cu nan famia a pasa un dia masha ameno na Rancho Daimari, na unda cu por a landa den piscina, core riba cabay, core ATV Quad racers y sin lubida hungamento di weganen popular. E acostumbrado BBQ, snacks y coy bebe no a falta. Empleadonan cu a cuminsa traha cu e compania na juli 2003 a ricibi un regalo tambe for di e compania, como muestra di aprecio nan nan dedicacion, lealtad y trabao duro p'e compania. E evento a cuminsa mainta y a sigui te den oranan di atardi.









## General Manager di Digicel, Michelle Winklaar cu bishita serca Minister President



**DEN** cuadro di celebracion di e prome lustro di Digicel, diabierna ultimo Minister President sr. Nelson Oduber a ricibi bishita di e General Manager di e compania aki, esta sra. Michelle Winklaar. Durante e encuentro aki Minister President a trece padilanti cu na inicio di Digicel na Aruba tabatin bastante discusion en cuanto permiso otorga n'e compania aki y cu varios caso a wordo entama den Corte. Sinembargo den transcurso

di añanan Digicel a cumpli cu tur e condicionnan pa cu e permiso. Alabez sr. Oduber a vocifera cu Gobierno di Aruba ta di acuerdo cu mester existi competencia y p'asina brinda mihor servicio n'e comunidad Arubano. Hecho ta cu den e ultimo 5 añanan Digicel a duna contribucionnan substancial na diferente organisacion deportivo y caritativo y cu esaki nan a demostra di ta un bon ciudadano di e isla aki.

Durante di e bishita sra. Michelle Winklaar a participa e futuro inversionnan di Digicel na Aruba y den un bon ambiente tanto su persona como Minister President Oduber a discuti henter e relacion entre Gobierno di Aruba y Digicel.

Na final di e bishita Minister President a felicita sra. Michelle Winklaar cu e prome lustro y a haci entrega di un boeki 'Nos Potret' y un moneda conmemorativo di Betico Croes.

Segun Rudy Lampe di RED

## Lo ta hopi benficioso pa cuminsa cu un acuerdo bilateral, unda lo saca mayor beneficio MEP a duna RED razon



**DURANTE** un conferencia di prensa cu a tuma recientemente cu partido RED, miembronan di prensa a lanza varios pregunta relaciona cu e asunto di UPG. Lider di fraccion di RED, sr. Rudy Lampe a contesta di e siguiente manera: "Manera nos a declara recientemente y tambe a tuma nota di declara-

cion di partido MEP, cu partido aki poco poco ta cuminsa duna RED razon. Recientemente nos a menciona cu RED for di inicio a bisa cu nos kier e bilaterale overeenkomst, nos kier un negociacion bilateral via Hulanda cu Union Europeo pa saca maximo beneficio for di Union Europeo y minimaliza e eventual nadelan cu por tin dor di integra den Union Europeo. Aworaki e raport a sali negativo pa UPG y e comunicado aki a sali negativo pa LGO. Kiermen e dos partidonan, partido MEP tabata mara na LGO, partido AVP ta mara na UPG, cu nan n'e momentonan aki nan mester re-evalua nan posicion y a tuma nota cu MEP ta pensando y e ta bisa cu e oordeel di tres opcion cu tin no ta cumbini Aruba at

all. Esey t'e opcion pa bira independiente. E ora ey tin un otro tipo di acuerdo p'e region di Caribe. MEP a bisa den e declaracion cu esey n'e momentonan aki no ta un opcion pa nan. Kiermen a keda riba mesa un opcion di e cuatronan cu tin bilaterale overeenkomst. Nos a capta esaki for di hopi tempo caba cu nos a mira specialmente pa loke t'e ehempel con Malta a negocia nan posicion, un isla tambe, di mayoria Catolico den Europa. Nos a bisa e ora, laga nos tambe cu negociacionnan bilateral via Hulanda pa logra tipo di acuerdonan cu ta benficioso pa Aruba. Mi ta contento di tende cu hasta partido MEP ta dunando partido RED razon.", Rudy Lampe a conclui.

## Ultimo oportunidad pa inscribi pa Workshop PR efectivo

**INTERESADONAN** pa e workshop encuanto Relacion Publico efectivo ainda tin oportunidad pa inscribi pa partisipa. Por haci esaki via adres di e-mail: [medialogicaribbean@gmail.com](mailto:medialogicaribbean@gmail.com) of na [bobharms1@gmail.com](mailto:bobharms1@gmail.com). E workshop manera ta conoci ta tuma lugar diaranson 16 di juli di 6'or di atardi pa 9'or di anochi na ATIA Building, Pedro Gallego straat # 6.

Durante di e workshop aki, cual lo ta na encargo expertonan den ramo di PR y tecnologia di Internet, lo para ketu na tur loke un persona cu kier haci Relacion Publico mester sa pa haci esaki di un forma efectivo. Entre otro, cua ta e medionan di comunicacion cu tin na Aruba y con pa haña publicacion via di nan y tambe con pa prepara pa tene un entrevista efectivo den prensa. E curso ta costa solamente 300 florin pa persona.

## Estudionan a muestra cu Kudawecha ta e mihor area pa bin cu un scol basico nobo

**THIEL** di Thiel Corporation durante e bishita den fin di siman na e scol na Kudawecha a indica cu nan ta hopi contento y trankilo cu e proyecto lo wordo entrega na tempo. E ta bisa cu e edificio ta cla, e dak ta cla, y e gymzaal si lo tarda un poco mas, pero ta algo cu DOW ta na altura di dje caba. E bentana y portanan ta na caminda, mayoria di klasnan tin tegel caba y plafond, e cashinan grandi di coriente lo yega e siman aki. Cu otro palabra, structuralmente e edificio ta cla y solamente algun cos ta den construccion ainda, pero esaki ta algo cu nan ta laganan pa e fase final. Minister Marisol Lopez-Tromp di su banda a indica cu el a pidi un recorrido oficial hunto cu cabezante di scol y maestronan pa wak con leu e proyecto ta y pa e ta na altura di con leu e scol ta y pa ta sigur cu e scol lo ta cla pa aña escolar nobo.

E minister a indica cu e satisfaccion lo ta dia cu scol habri y e wak e muchanan den nan banki sinta y tur cos ta drai. Segun Lopez-Tromp pa basta aña caba tin e necesidad pa un scol basico nobo. Estudio a muestra cu ta mas factibel pa pone e scol den area di Kudawecha mirando cu Noord a crece hopi, pero tin e otro banda tambe Paradera bai ariba cu tin crecemento den poblacion y muchanan cu ta asisti na scol. Finalizando Minister Lopez-Tromp a indica cu estudionan ta muestra cu tin demanda pa bin cu mas scol riba nivelnan di secundaria y na e momentonan aki ta trahando riba dje, mescos tambe pa otro scolnan basico.





## Digicel a introduci “Digicel den bo Bario” Den forma masha exitoso



“**NOS** tabatin un reto grandi pa cambia e percepcion di comunidad riba companianan di celular. E pueblo mester a compronde cu awendia servicio ta primordial den nos tipo di negoshi”, asina Michelle Winklaar a duna di conoce. E ta bisa esaki ora corda con Digicel a bin cu un formula nobo di mercadea dor di bay serca e pueblo. “Antes si Bo tabata kier un celular, bo mester a bay para den rij pa

haña servicio. Cu nos a sistema ey a cambia” asina e ta recorda. Digicel a cuminsa cu un formula cu nan a duna e nomber di “Digicel den Bo Bario” na unda cu e compania ta bay te den bario serca e comunidad cu ta interesa pa por a abona na e servicicionan di e compania di celular. Asina a organisa diferente di e eventonan aki na unda cu e compania tabata yega cu un truck grandi cu musica,

ta arma tentnan grandi y ta yega cu un grupo di empleado pa bende celular. E pueblo a sa di responde grandemente na e formula aki pasobra e ta mas facil, eficiente y liher pa por a haya acceso na e compania. Awendia a bira masha normal cu un representante di benta di e compania ta bay serca e cliente ora ta necesario, subrayando e pensamiento di cu e cliente ta rey!

## A cambia e logo di Digicel diferente biaha den 5 año

**Digicel**<sup>TM</sup>  
Aruba's New GSM Mobile Service

**Digicel**<sup>TM</sup>  
Aruba's Bigger Better GSM Network

**Digicel**<sup>TM</sup>  
Spera Mas, Hanja Mas  
**Digicel**

E Red Mas Grandi y Mihor.

E hecho cu nos ta papiando aki di un compania dinamico cu cada bez ta sigui crece, a pone cu na un forma structura mester a cambia nan logo. E logo di un compania ta su cara, e ta bisa Bo algo di su cultura y di su vision. Teniendo e aspectonan aki masha na cuenta, e compania a haña ta haci cambio den su slogan na mas cu un ocasion. For di “Aruba’s new GSM network”, pa “The Bigger, Better GSM Network”, pa “Spera Mas. Hanja Mas” y asina por sigui menciona te cu awendia e ta “E Red mas Grandi y Mihor”. E color tambe a conoce un cambio chikito pasobra na un principio a usa e colornan berde y cora, pero na caminda a opta pa cambia completamente pa e color cora. E forma di letternan tambe a cambia y a opta pa usa un modelo diferente cu ta bisa algo di e apariencia hoben y dinamico di e compania. Un otro aspecto cu a hunga un rol den e decision aki ta cu mester a tene cuenta cu cambionan drastico den cultura di e compania, manera ta e drentamento di mercadonan di otro idioma. Si antes tabata concentra riba mercadonan ingles so, awendia Digicel a establece den paisnan cu ta papia ingles, spaño, frances, papiamento y hasta hulandes. Den tur mercado mester a adapta e slogan na e idioma di e pais, pasobra e compania ta respeta e idioma oficial di cada pais. Na Aruba nos ta bisa “E Red mas Grandi y Mihor”, mientras cu na El Salvador por ehempel ta usa “Primero eres tu”. Na Suriname cu ta papia Hulandes sinembargo a opta pa sigui usa ingles toch, aunke tur nan propagandan ta na Hulandes.



## Polis ta intermedia den problema di famia cu yiu drogadicto

**POLIS** di Noord ta bay diadomingo mainta pa 9.15 na un cas na Catiri, unda un tata lo tin problema cu su yiu homber drogadicto. N'e cas polis ta papia cu e tata P., kende ta bisa polis cu su yiu homber W.P. di 37 aña, ta haci fastioso y a menasa di kibra cos den cas.

E problema a cuminsa, ora cu e yiu, kende tin un palabracion cu e mester duna 150 florin pa siman, a cana kibra cu 50 florin so.

E tata a nenga di tuma e placa y a bise esey no t'e palabracion. Riba dje, el a tripi di pidi e mama pa pone cuminda pe

Con por ta posibel  
**Cacho brabo no ta permiti gerente tampoco polis entrada, pero chollernan si**

**DIADOMINGO** mainta, polis ta bay den Weststraat, na Aruba Trading, unda supestamente chollernan lo a dreña den e lugar. Ora cu polis a yega nan ta papia cu e gerente di e lugar, kende ta bisa cu el a haya un piek dilanti di e porta di e deposito, y tambe el a mira cu un di e autonan tabata habri.

Pero e gerente, tampoco polis por a dreña den e negoshi, dor cu e cachonan no ta laga ningun hende dreña.

E gerente a yama e compania di seguridad pa nan bin busca e cachonan, y despues nan hunto cu polis lo dreña pa mira si e lugar a haya bishita di choller, apesar cu tin cacho.

Con por ta posibel? E cachonan no kier permiti e gerente ni polis entrada, pero si a laga e chollernan haci nan bagamuderia. Lo ta bon pa studia di e cachonan aki tambe ta choller, y e ora ey por compronde cu cacho no ta come cacho.

tambe.

E mama tampoco a bay di acuerdo cu su exigencia y esey a pone cu mas el a rabia. El a menasa y despues a cana bay. Net na momento cu polis ta yega n'e cas, nan ta mira ta cana bay direccion pazuid. Nan a bay su tras y a papia cune.

El a compronde e situacion y a priminti cu e lo trece e resto di placa. Pero 11 or, polis mester a bolbe bay n'e cas pa asistencia, unda W.P. a bolbe y haci fastioso.

Polis a bolbe intermedia, y a conseha e mayornan pa nan pone bao di curatela.

**AD PATRES**  
funeral home  
van Rensselaerstraat 2  
San Nicolas - Aruba  
E-mail: adpatres@setarnet.aw  
Tel.: (294) 584-2299  
584-8413  
Fax: (297) 584-2266



Mi tin Dios pa mi wardador,  
pues mi no tin falta di nada.

Salmo 23 vers. 1 y 2.

Cu tristesa na nos curason pero agradecido pa tur loke e la significa pa nos y conforme cu diso su boluntad, nos ta anuncia fayecimento cristianamente di nos casa, tata, welo, suegro, omo, swa.

**“Juan Maduro”**  
\*28-12-1922 +11-07-2008

**Na number di su:**

**Esposa:** Rosa Maduro-Kock

**Yiunan:** Hubert Maduro

Edwin Maduro y yiu

Philomena Maduro y yiunan

Juan Ricardo y Sra. Ludwina Maduro-Cornelis y yiunan

Camilio y Sra. Arminda Maduro-Geerman y yiunan

Michael Maduro

**Nieto(a)nan:** Lisandra y yiunan

Geraldine y Elaine na Hulanda

Jurina, Joanna y Darwin

Brian y Dainaly

**Bisanietonan:** Enrique y Joella

**Rumanan:** Anna Baars y Famia na Curacao

Hilario Maduro y Famia na Curacao

Benny Maduro y Famia

Steve Maduro

Juanita Maduro

**Swa y Cuñanan:** Sra. Vda Damasa Lacle y Famia

Emilio Kock y Famia

Maximo Kock y Famia

Jose Kock y Famia

Crecencia Kock

Eda Thiel-Kock y famia

Prima y primonan, sobrina y sobrinonan, Comer y compernan, su Ihanan amiga y amigonan. Su bon bisiñanan Flora y Maiky.

**Demas famia:** Maduro, Kock, Ras, Cornelis, Geerman, Baars, Lacle, Chirino, Rodriguez, Fischer, St. Hillaire, Dammers, Amaya, Thiel, Henriquez, Bouwer, Beaumont, Lanoy y Lampe.

**Ta invita pa asisti na acto di entierro cu lo tuma lugar Diamars 15 Juli 2008, pa 4or di atardi. Saliendo for di Misa Santa Theresita pa Santana Catolico na San Nicolaas.** for di 2or di atardi Juan lo ta reposa den misa. for di 2or di atardi Juan lo ta reposa den misa.

**Adres di condolencia:** Ad Patres Funeral Home

Van Rensselaerstraat 2

Dialuna 14 juli 2008 di 7or pa 9or di anochi

Nos ta pidi nos disculpa si den nos tristesa nos por a lubida algun persona, despues di entierro nos no por ricibi bishita di condolencia na cas. Enbes di flor of krans un donacion na Blue Army Center lo ta altamente aprecia.

Lo tin un box disponibel den misa pa e bunita gesto aki.

## Polis ta intermedia pa mama por haya su yiu

E señora N.M.R. naci na Aruba di 18 aña, diadomingo anochi 11.50 ta bay Warda di Polis na San Nicolas y ta bisa polis cu su casa a maltrat'e cu un pida palo. El a bisa e polisnan cu e no kier duna keho contra dje, pero e tabata kier pa polisnan bay cune n'e cas p'e busca su yiu chikito p'e bay na cas di su mama.

Polis a hibe n'e cas y el a coy su yiu y polis a bahe na cas di su mama. Tambe polis a papia cu su casa I.R. naci na Aruba di 23 aña, y a mustre riba e consecuencia.



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

“Laga tur locual, cu ta sperami ta bunita,  
Laga tur locual, cu mi encontra na caminda ta bunita,  
Laga tur locual, cu ta rondonami ta bunita  
Laga tur locual mi ta laga tras keda bunita y laga esakinan termina de tur bunita.”

Cado Wever

**A fallece cristianamente nos ruman stima :**



**REGINALDA QUANDUS**  
**Miho conoci “Nalda”**  
\*01-01-1964 † 11-07-2008

**Na number di su rumannan :**

Pedro y Rufina Quandus Tromp y jiunan

Maria Quandus y jiu Amarelllys

Cerilio (boechi) y Lourdes Quandus Tromp y Jiunan

Anselmo (chemy) y Frida Quandus Koolman y jiunan

Aquiles Quandus

Vda. Teresita Gomez Quandus y jiunan

Franciscus y Tomasa Quandus Tromp y jiunan

Antonia y Nel Bergrok Quandus y jiunan

Dominicus Quandus y Juliana Henricus

Susanna Arrindell y jiunan

**Su madrina :** Thomasa Quandus y Maria Quandus

**Su padrino :** Chang Ridderstaat

**Demas famia :** Quandus, Tromp, Gomes, Koolman, Carrasquero, Catalina, Dijkhoff  
Leest, Noguera, Kock, Burke, Andrews, Ridder stap, Garcia, Kelly, Ras  
Oduber, Eckmeyer, Bergrok, Erasmus, Faro, Henriquez, Maduro, Figaroa.

Na Corsow, Quandus, na Boneiro Bernabela y Agustin ta invita tur famia, amigo, bisiña

y conocinan na e **Acto di entierro cual lo tuma lugar Diaranson 16 di Juli 2008 pa 4'or di atardi na Misa Santa Anna na Noord.**

E restonan morta di Nalda ta reposa na Misa di 2'or di atardi y despues pa Santana Catolico na Noord.

Na luga di flor of krans un donacion pa Stichting Thuiszorg ta altamente aprecia.

**Adres pa condolencia :** Cunucu Abao # 32B di 7'or pa 9'or  
**DESEO DI FAMILIA PA BINI BISTI NA COLOR ALEGRE**

Si den nos tristesa nos por alubida un of otro famia dispensanos.



# Promer cu e 'noticia' haña su propio bida: Ningun momento so Minister President Oduber a pidi of intermedia pa saca hende for di KIA

**RELACIONA** cu e articulo cu a sali den AWEMainta di diabierna ultimo titula: 'Sospechoso importante den libertad secretamente', Ministerio di Asuntonan General kier a trece lo siguiente padilanti:

Ningun dia e famia a papia cu Minister President sr. Nelson Oduber y ningun momento so sr. Oduber a pidi of intermedia pa saca hende for di KIA; Hamas cualkier hende por chantagea y/of menasa Minister President Oduber den cualkier caso;

Nunca lista di partido MEP a wordo traha na cas di e sospechoso principal di e caso di Laboratorio. Nota: Awor t'asina leu cu nos no sa mas ta cuanto lista di MEP a wordo traha, ya cu prome tabata insinua cu trahamento di e lista tin di haber cu e proyecto di Dump y awor ta relata esaki cu e caso di Laboratorio. Wie, wat, hoe?

Enfaticamente mester ser treci padilanti cu esun cu hinca su mes den problema lamen-

tablemente e mes mester deal cu husticia. Ya ta bon conoci e famoso frase di sr. Oduber, esta 'esun cu tin blaar tin cu sinta riba dje'.

Por ultimo, integridad di Minister President sr. Nelson Oduber no por wordo treci den wega a base di un insinuacion of redo di 'nan di cu e di'.



**Mementomori Funeral Home N.V.**

Yolanda - Leo - Eugene  
Tel: 5833358 - Fax: 5837711



"Amor y fieldad ta topa, husticia y paz ta brasa otro;  
Fieldad ta brota for di tera y husticia ta baha for di cielo.  
Husticia lo bai dilanti y paz lo sigui den su paso."

Ps. 85:10,11,13

Cu honda pena pero conforme cu boluntad di Dios, nos ta anuncia fayecimento inespera di:

**Oscar Gomez**  
na edad di 52 año

**Na number di su:**

**yiù:** Roberto Gomez y Christianne Basciano

**nieto:** Elio Rey Gomez

**compañera y mama di su yiu:**  
Maria Maldonado y yunan  
Jhonny y Miozottis

**rumannan:** Aurora y Angel Colon-Osorio  
Carmen y Hector Santoni-Gomez  
Angel Gomez Osorio y Nirmala Kappel  
Aura Ortega

**cuñanan:** Rafaela Nuñez y famia  
Carmen de Windt y famia  
Regina Rosaria y famia

**sobrinonan:** Fernandi Ninosca, Jorgito, Aldrix, Uahira, Branyl,  
Ayden, Zyma

primo y primanan, comer y compernan, ihanan, amigonan di Billiard, compañoeronan di Jaycees

**famia:** Gomez, Maldonado, Basciano, Ariens, Osorio, Colon, Santoni, Gomez Osorio, Kappel, Nuñez, Correa, Ranes, de Windt, Rosaria, Perez, Chirino, Ortega, Werleman, Mercedes, Kock, Mac Janet, Noel, v/d Biezen, Jansen y demas famia ta invita tur amigo, bisiaña y conoci pa asisti na e acto di entiero cual ta tuma lugar diaranzon 16 di juli 2008 pa 4'or di atardi saliendo for di Misa San Francisco pa santana catolico den caya Ernesto Petronia. Oscar lo ta reposa for di 2'or di atardi den Misa San Francisco na Playa.

**Adres pa condolencia:**  
Mementomori Funeral Home  
Diamars 15 juli 2008 di 7'or pa 9'or di anochi

Nos ta lamenta cu despues di entiero nos no por ricibi bishita di condolencia na cas.

Nos kier a pidi nos disculpa si nos por a lubida un of otro famia den nos tristeza.



**AD PATRES**  
funeral home

van Rensselaerstraat 2  
San Nicolas - Aruba  
E-mail: adpatres@setarnet.aw

Tel.: (294) 584-2299  
584-8413  
Fax: (297) 584-2266

"Señor ta mi wardador  
Mi'n tin falta di nada  
Den cunucu di jerba berde  
E ta ponemi sosega  
E ta hibami na awanan trankil  
pa mi bolbe hanja forsa." Psalm 23: 1,2,3

Cu inmenso dolor na nos curazon, pero conforme cu boluntad di Dios,  
nos ta anuncia fayecimento inespera di:



**Gilberto Paesch**  
Mihor conoci como: "Betto"  
Na edad di 78 año

**Na number di su**

**Esposa:** Sra. Rogelia Paesch-Romero  
**Yiunan:** Sr. Ricardo y Shirley Paesch-Boezem y famia  
Sr. Reynaldo y Aida Paesch-Croes y famia  
Sr. Roberto y Sandra Paesch-Maduro y famia  
Sra. Sonia y Carl Dorotaal-Paesch y famia

**Rumannan:** Sra. Adriana paesch y yiu  
Sra. Vda. Catharina Ras-Paesch y famia

**Nietonan:** Gwendolyn, Jennifer, Roosje, Ricky, Jesselyn, Rebecca, Angelina, Carolina, Ruby

**Bisanietonan:** Wendess, Deslaine y Jean-Ate  
Swa y cuñanan: Sra. Vda. Marianita Ras-Romero y famia  
Sra. Vda. Fermina Briceño-Romero y famia  
Sr. Jose y Aura Romero-Kock y famia  
Sra. Juliana Romero y famia  
Sr. Crispin y Maureen Romero Evertsz y famia

**Su mihor amigonan:** Sr. Rudy Maduro y Julio Dorotaal  
Su mihor bisiañan: Sra. Nina Boekhoudt y Colin Maduro  
Sobrina y sobrinonan, primo y primanan, comer y compernan ex-trahadornan di LAGO, D.O.W amigonan y conocirnan

**Famianan:** Paesch, Romero, Geerman, ras, Boezem, Croes, Maduro Dorotaal, Briceño, Kock, Evertsz, Hopmans, Emerencia, Roga, Irausquin, Martijn, Wouters, Vingal, Noguera, Lue, Thijzen, Becker, Libie, Rasmijn, Martinus, Tobel, Koolman, Briezen y demas famia

Nos kier a pidi nos disculpa si nos por a lubida un of otro famia den nos tristeza.

Ta invita tur famia, bisiaña, conocirnan y amiga(o) nan pa asisti na e acto di entiero cual lo tuma lugar **Diaranzon 16 di Juli 2008 pa 4'or di atardi na Misa Santa Teresita na San Nicolaas y despues saliendo pa santana Catolico na San Nicolaas.**

E restonan mortal lo ta reposa for di 2'or di atardi den misa Santa Teresita na San Nicolaas.

Na lugar di flor of krans un donashon pa Wilhelmina Kanker Fonds lo ta altamente aprecia, lo bai tin un box disponibel den misa pa e bunita gesto aki.

**Adres pa condolencia:** Weg Fontein # 102, San Nicolaas  
Di: 7'or pa 9'or di anochi

Nos ta lamenta cu despues di entiero nos no ta ricibi bishita di condolencia na cas.

**Gradicimento ta bai na:** Dr. Boderie, Dr. Moretta y Dr. Dennert, Wit Gele Kruis, Wilhelmina Kanker Fonds, especialmente Gwen, Olivia, Magriet, Sharon, Patsy y Sra. Bareño. Tambe na Huize Maris-Stella (especialmente Clarette, Marisol, Agnes, Flora y demas zusternan, S. V. Jong San Nicolaas, Aruba Golf Club

**DANKI  
PA YAMA**

E celular aki  
ta diho si  
bo tip  
conduci na  
un articulo  
exclusivo



HOTLINE  
**733-8477**

**Digicel**





## Mementomori Funeral Home N.V.

Yolanda - Leo - Eugene  
Tel: 5833358 - Fax: 5837711

Thank You

In memory of our beloved

Sivan Shontel  
Grace Richardson

In the journey of life death is but a passage into the glory of eternity and when the journey finally ends we will claim a great reward and find everlasting peace together with the Lord. In appreciation to everyone who comforted us and stood with us during this time of bereavement.

Thank You for your support and your presence at the funeral service.

Mr. & Mrs. Sonny and Celeste Richardson-Woodley



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

### GRADICIMIENTO

Un danki di curason ta bay na tur esnan  
cu a demostra nan atencion y of acompaña  
Nos durante fayecimento y entierro di :

ENRIQUE  
GIEL

MIHO CONOCI COMO "JERRY"



Un gradicimento ta bay na  
tur esnan cu a manda  
flor,krans, telegram y  
yamadan di telefon.

Na nomber di su : yiunan,nietonan,ruman y demas  
famia .



Guyabastraat 4, Dakota Tel: 582 4748

### Servicio pa Comunidad

#### Telefon di Emergencia

Number di emergencia 911  
Polis 100  
Brandweer 582-1108  
Ambulance O'stad 582-1234  
Ambulance S.N. 584-5050  
Hospital 587-4300  
Centro Medico 584- 8833

#### Botica na Warda

Pabou di Brug: Botica Aloe  
Pariba di Brug: Botica Noord

#### Dokter na Warda

Pabou di Brug: dr. Dassen  
Pariba di Brug: dr.

#### Otro Servicionan

Setar Info 118  
Digicel Info 145  
Setar 582-5151  
Elmar 582-3700  
WEB 525-4600  
Serlimar 584-6456  
Rode Kruis Aruba 582-2219  
FADA 583-2999  
AA/NA helpline 583-8989  
Fund. Abuso Sexual 582-4433  
Fundacion Guia'mi 587-1677  
Fund.Muher  
den Dificultad 583-5400  
Fund.Tel. Pa Hubentud 131  
588-6138  
Accion Rescate 584-2718  
Centro Kibrahacha 588-3131

#### Polis

Polis Tipline 11141  
Oranjestad. 582-4000  
San Nicolas 584-5000  
Savaneta 584-7000  
Santa Cruz 585-4710  
Noord 587-0009  
Strandpolitie 586-3003  
Balashi 585-2500  
Aeropuerto 582-4800  
Aruba Transfer Tour & Taxi  
583-2856  
582-2116  
Best Taxi Services 588-3232  
Coop. Ver. Tas 587-5900  
ATS 583-5361  
Arugas 585-1198  
S.O.S. Teleayudo 583-1190

EDITA PA: The Media Group,

Margrietstraat 3, Oranjestad, Aruba, tel.

(297) 583-1400, fax. (297) 5831444,

E-mail: mediagroup@setarnet.aw.

CUENTA DI BANCO: C.M.B. #229-

82600. BENTA LOS Afl 1,50.

ABONEMENT Afl.35,00 pa luna.

ORA DI OFICINA: Dialuna pa Diabierna

8 a.m. - 5 p.m.

IMPRESA: Imprenta Nacional Arubano.

DIRECTOR: Victor iTokoi Winklaar &  
Victor R Winklaar.

REDACCION: noticia@awemainta.com.

BENTA DI AVISO:  
sales@awemainta.com

## Resultado di Loteria



LOTTO CATOCHI

8796

7451

4381

ZODIAC

2147 Acuario

BIG FOUR

5226

SUPER FOUR

0155

LOTTO DI DIA 09-11-13-19-29

DIARIO

0540

9678

1254

CORSOW

2993

9899

4224



## su | do | ku

© Puzzles by Pappocom

**Instruccionnan di wega** Completa e tabel (cu 9 cuadra) di 81 hoki  
dividi den 9 rij y 9 colom, yenando e hokinan bashi cu e numerbnan di 1 te  
9, sin ripiti ningun cifra den cada rij, ni den cada colom, ni den cada cuadra.

			1	2	7			
5		6				2		8
	7						3	
2			8	6				3
		4	3	9	8			
9			2	4				7
	2						1	
8		1				7		4
			5	3	1			

EASY

# 1

			8				5	
	6	7						3
	9		2			1		
4		5	9	6				
2								1
				7	1	9		4
		1			5		9	
6						7	1	
	5			8				

MEDIUM

# 2

3	9	8	1	2	7	5	4	6
5	1	6	4	9	3	2	7	8
4	7	2	6	8	5	9	3	1
2	5	7	8	1	6	4	9	3
1	6	4	3	7	9	8	2	5
9	8	3	2	5	4	1	6	7
6	2	5	7	4	8	3	1	9
8	3	1	9	6	2	7	5	4
7	4	9	5	3	1	6	8	2

# 2

1	2	4	8	3	7	6	5	9
5	6	7	1	9	4	2	8	3
8	9	3	2	5	6	1	4	7
4	1	5	9	6	2	3	7	8
2	7	9	4	8	3	5	6	1
3	8	6	5	7	1	9	2	4
7	3	1	6	4	5	8	9	2
6	4	8	3	2	9	7	1	5
9	5	2	7	1	8	4	3	6



# FOCUS RIBA FAMIA

## Flohera di scol secundario

E ta worde yama ‘flohera di scol secundario’ y den mi añanan como maestro di scol mi a mire pasa repetidamente. Un mucha cu ta haci excelentemente den scol primaria ta drenta scol secundario y poco poco e ta bai atras. Su custumbenan di studia ta worde poni un banda y cualquier interes pa siña algo aparentemente ta desaparece.

Sea loque sea e rason, hopi mucha aparentemente ta drop out fo’i scol entre e prome y di tres aña di scol secundario. Y pa un mayor esaki por ta frustrante.

Den su buki, *Helping Your Child Succeed in Public School*, e educador Cheri Fuller, ta ofrece un cantidad di ideanan practico pa yuda bo yiu sali di e flohera aki.

Um manera ta di busca un ‘compinchi’ di estudio pa bo yiu. Busca manera pa haya un estudiante, cu ta mas avansa cu bo yiu, den bo vecindario cu ta dispuesto pa yuda, y yega na un acuerdo riba fechanan regular cu nan por topa otro, y discuti trabaonan di scol, pa asina bo yiu haya e ayudo necesario. Tin hopi mas sugerencia den e buki aki, pero mas importante cu tur cos, mi ta desea di encurasha e mayor cu ta teme cu educacion academico nunca mas lo ta importante. Berdad den henter e asunto aki ta cu mayoria estudiante ta coi culpa atrobe ora e depresion di adolescencia ta tras di lomba. Esey ta e parti mas dificil di bida pa mayoria di nos y e disturbo ey tin un manera di interfeeri cu nos trabao na scol.

Asina ta, corda cu ta aki bo a lesé: Tin miho dianan na caminda!

## PANADERIA DEL PUEBLO



Guyabastraat 4, Dakota Tel: 582 4748



# ODEA y IDEFRE ta organisa un “FUN WALK” di 5km

**DIASABRA** 19 di Juli 2008 e Organizacion di Enfermeronan di Aruba ta organisa, en cooperacion cu IDEFRE, un” FUN WALK” saliendo 6’or di atardi for di Palm Beach, ex strandpolitie bayendo direccion pa Holiday Inn y terminando alrededor di 7’or y mei di anochi na Palm Beach, ex strandpolitie.

Directiva di ODEA ta haci un yamada na tur enfermero y trahadornan den cuido, miembro y no miembro, trahando na Dr. Horacio Oduber Hospital, Departamento di Salud Publico, Centro Medico Rudi Engelbrecht, Instituto Medico San Nicolas, SABA –Oranjestad, San Nicolas y Savaneta, Wit Gele Kruis , docente y studiantenan di EPI, amantenan di caminata y pueblo di Aruba en general pa join nos den e caminata particular aki.

Tur interesado y grupo por yama sra. Lola Geerman, sra. Astrid de Palm na kinderafdeling of sra. Shirley Isei na 1ste Klasse afdeling di Dr. Horacio Oduber Hospital na telefon number 587-4300. E trahadornan di Departamento di Salud Publico y SABA – Oranjestad por tuma contacto cu sra. Tecla Cellaire-Eduardo na su celular number 593-8187, mientras cu e trahadornan di Wit Gele Kruis por yama sra. Miriam Kock na telefon 567-2827 y esnan di Centro Medico dr Rudi Engelbrecht, Instituto Medico San Nicolas y SABA –San Nicolas y Savaneta por tuma contacto cu Juelson van der Biezen na celular number 562-5339 y Morgan Arrindell na celular 567-3285.

E caminata tin un distancia di 5 km, lo tin premionan y inscripcion ta costa unicamente Fls 5,00.

# TIPO DI CAMBIO OFICIAL

Valido pa 15 juli 2008

Placa Extranhero	Bank Papieren	Wisselen, Cheque Reis Cheque en Over Boeking	Benta na Publico
US Dollar	1.77	1.78	1.80
CAN Dollar	1.73	1.75	1.77
Engelse Pond Sterling	3.47	3.52	3.58
Zwitserse Frank per CHF. 100	173.88	174.60	175.40
Ned.Ant. Gulden per ANG. 100	98.00	100.00 biljetten chq./overboeking	100.20 100.00
Japanse yen per JPY. 10.000	166.01	167.53	169.21
Euro per XEU. 100	279.48	282.03	284.86



Provision di Devisa 1.3%  
Segun articulo 12 di Afkondigingsblad di Aruba 1991 nr.GT 32.  
Banco Central di Aruba ta defini e tipo di cambio oficial pa e cambianan di placa extranhero.

**BANCO DI CARIBE**  
*Nos ta honra Bo confianza*

## Horoschoop



**Aries** 21 Mrt - 20 Apr

Finanzanan ta debil dus wak bon unda bo ta inverti bo placa cash. Bo ta cla pa asumi responsabilidnan nobo y bo experiencianan y capacidnan ta significa cu bo por haci’e.



**Tauro** 21 Apr - 20 Mei

Bo areglonan financiero ta complica y bo no ta probechando di e placa. Bo mester cambia e cosnan.



**Geminis** 21 Mei - 20 Jun

Bo ta den un etapa di suerte y ta momento pa bende e cosnan cu bo no kier mas of haci un oferta riba un cos cu bo lo kier tin. Cosnan lo bai manera bo a planea.



**Cancer** 21 Jun - 20 Jul

Tin un cierto censacion di stagnacion den bo plannan profesional cu ta frustrante. Ora tur bo esfuerzonan dal contra muraya, ta ora di modifica e tacticanan of pidi ayudo.



**Leo** 21 Jul - 20 Aug

Basta di rutina, tuma un reces. Ta posibel cu lo bo dobla bo resultadonan pa sosega e proximo simannan.



**Virgo** 21 Aug - 20 Sep

Presion di aribata birainsostenibel y bo ta bai pidi un alto. No desespera, ayudo ta na caminda y apoyo planetaria ta birando e skina.



**Libra** 21 Sep - 20 Okt

Botin talentonan y independencia. Pero bo no por haci tur cos. Tin biaha bo mester depende di otronan. Sigura bo mes di elegi e persona adecua.



**Scorpio** 21 Okt - 20 Nov

Caminda di bo carera ta parse di ta briya liber di obstaculonan, pero bo no por wak loke ta sperabo birando e skina.



**Sagitario** 21 Nov - 20 Dec

Bo posicion den finanzas ta subi solidamente, bo ta ganando den seguridad. Lo bo yega na un plataforma ora tur cos estabiliza y bo por aprecia realmente e libertad nobo aki.



**Capricornio** 21 Dec - 20 Jan

Tin un hende ta ofrecebo un trato nobo cu por mehora considerablemente bo situacion economico. E areglo parse di ta confiabel y na ordo.



**Aquarius** 21 Jan - 20 Feb

Tin riesgonan pa asumi, vacilacion ta impedibo esaki na mitad di siman, ora bo ta dicidi di actua. E lo bale la pena pasobra bo a cuminsa progressa y controla tur e puntanan los.



**Piscis** 21 Feb - 20 Mar

Despues di un etapa di stagnacion of di desinteres, un bes mas bo ta riba e caminda y bo ta sigui bo rumbo. E biahenan ta wordo favoreci.



E Potret di Dia

noticia@awemainta.com



Byblos: LEBANON: Lebanesnan ta disfruta di beach promer cu e fashion show di bikini y lingerie na un beach resort den e antiguo ciudad di Byblos na e norte di Beirut 13 di Juli 2008. Lebanon a anuncia un gobierno di unidad nacional di 30 miembro dos dia pasa encarga pa resolve e pais su peor crisis politico desde e guerra civil di 1975-1990.

Delegacion di Caribnation a bin Aruba  
pa entrevista Minister President Oduber



Diabierna mainta Minister President sr. Nelson Oduber a ricibi bishita di un delegacion di Inc., consistiendo di sr. Larry Sindass – CEO/President y sr.

Paul Nehru Tennessee – Productor y kende alabez ta asocia cu University of the District of Columbia.

Meta di e bishita ta pa entrevista Minister President Oduber riba e exito di Aruba, en especial riba e parti economico-financiero y tambe kico tur Aruba a haci pa yega n’e exito aki.

Di e entrevista aki lo traha un programa di television cu lo pasa den varios pais den Caribe y Merca. Siguramente esaki lo bay ta un tremendo propaganda pa Aruba y pa cual Minister President Oduber a duna tur clase di cooperacion.

Durante e bishita aki tabata presente tambe e persona di contacto, e conocido sindicalista sr. Anselmo Pontilius.

Nos Mundo Loco

Aviso pa controlador  
aereo den Braille

Un aeropuerto a ser acusa di ta politicamente corecto despues di a pone un aviso pa un controlador aereo nobo den braille.

Aunke un vision ‘20/20’ ta requeri pa e posicion na e aeropuerto di St. Mary na e isla di Scilly, e formulario di aplicacion ta ser ofresi den Braille y un formato audible.

Pero e operadornan di e aeropuerto a bisa cu nan simplemente ta sigui e normanan di oportunidad igual pa no ser acusa di descriminacion.

E aeropuerto opera pa e consul di is isla di Scilly, ta buscando un di 4 controlador aereo y ta ofrece un salario di \$72,000.

E aviso ta bisa cu e aplicante mester tin un vision excelente pa por guia e avion sigur pa e aeropuerto cu ta riba un montaña y casi semper ta bao neblina.

Pero na e parti abao di e documento tin un nota cu ta bisa: “Si bo ta requeri e documento aki den un lenguahe alternativo, text mas grandi, Braille of den un formato audible, please tuma contacto cu e Oficial di Relacionnan cu Comunidad.”

Un vocero pa e consul di Scilly a bisa e nota ta ser inclui den tur aviso pa trabao “pa ta sigur cu tur aplicante potencial sa cu nan por haya e informacion den e formato cu mas ta combeni nan.”

E aviso a ser aplaudi pa Bill Alker, di e Instituto Royal Nacional pa pa Hendenan cu Inpidimento Visual.

“Nos ta bon bini e Consul di e Isla di Scilly pa nan bon practica y ta spera cu mas compania lo sigui nan voorbeeld,” E a bisa.





## Ministerio di MGN “Ministry of The Good News” tin 6 integrante cu a slaag cu exito



**DEN** e Ministerio di MGN “Ministry of The Good News” tin 6 integrante cu a slaag cu éxito. Nan t’e siguiente integrantes: Natalie Manzanares (Naty), Jerrich Kock y Kimberly Flanegien (Kimmy) di MAVO. Ghislady Angela (Gitti) y Derrick Manzanares di HAVO, y Solmaita Leest (Soli) di VWO. Nos como mayornan, amigonan, y e otro integrantenan ta hopi orguyoso di cada un di boso. Un caluroso pabien ta bini di curazon di parti cada un di nos. Sigi asina den boso estudio, y laga cu semper Spiritu

Santo di Dios ta boso guía y ilumina boso cu su sabiduría riba e bon caminda. Na tur e otro hobennan di Aruba cu tambe a slaag, pabien! y nos ta desea nan tambe hopi éxito den nan estudio. Cu Tatapoderoso derama su gracia y bendicionnan riba e hobennan aki y nan famia pa nan por sigi sirbie semper den su luz divino. “E Bon Noticia”, tuma for di den bijbel 2 kor. 4;1 “*P’esei nos no ta perde curashi awor cu Dios den su misericordia a duna nos e tarea aki*”.



## Abo ta corde ainda? Digicel a introduci e celular “Panasonic GD-55” na Aruba

**PROBABLEMENTE** hopi hende lo no ta ni corda e modelo di e celular aki mas te ora cu nan a mire awe atrobe. Esaki tabata un di e celularnan cu Digicel a lanza su servicionan cune na aña 2003. E celular aki a causa masha furor pasobra e tabata un di e celularnan di mas chikito e tempo ey y e tabata bin cu un faha pa bistie rond di bo garganta. Den un tempo record e modelonan aki a caba pasobra ela pega masha riba nos isla. Por corda ainda cu despues el a bin den diferente color tambe y atrobe el a cosecha exito. Panasonic no tabata un marca conoci di celular na Aruba te dia cu Digicel a cuminsa opera na Juli 2003.



## La Asociacion Amigos de Colombia celebra su Independencia el 27 de Julio 2008

**LA** Asociación Amigos de Colombia quiere informar a todos sus socios a todo el pueblo latinoamericano y Arubano, que este año estaremos celebrando la Independencia de nuestra querida Colombia el domingo 27 de Julio en el Don Elías Mansur Ball Park, que está situado en Dakota.

Este año tendremos invitados desde Colombia a dos grandes figuras de exportación de nuestro humor Colombiano: la Gorda Fabiola y su esposo Polilla. También tendremos a un gran presentador del canal nacional Caracol Agmeth Escaff, quien en compañía de nuestros talentosos locutores locales serán

los presentadores del gran programa de ese día.

Esta fiesta que se viene celebrando desde hace casi 5 años con definidos objetivos de Bienestar Social no solamente para los Colombianos sino para todos los latinoamericanos y Arubanos que puedan llegar a necesitar de una ayuda urgente en momentos de calamidad, ofrecerá ese día la degustación de comidas típicas colombianas así como grandes premios, rifas, concursos de vestidos típicos colombianos y la presentación de grandes orquestas de la talla de la Sensación Vallenata, J-Formation, Sunami, Edgar y su tambora y Orlando de

América. Habrá juegos para niños, bebidas típicas colombianas, videos con paisajes hermosos de este bello país. El año pasado contamos con una asistencia de aproximadamente 12.000 personas y este año esperamos sobrepasar esa cantidad a mas de 15.000 personas. El aporte de la entrada tendrá la módica suma de 5 florines para los adultos y para los niños será completamente gratis.

Este aporte será destinado para pagar las orquestas y/o grupos musicales y para aumentar los fondos de la Asociación y poder ofrecer ayudas sociales



a nuestros socios y en caso de calamidad mayor.

Y para el tan ansiado proyecto de la Casa de Colombia Para el concurso de vestidos típicos ya sea de niños o adul-

tos, las personas interesadas deberán inscribirse completamente gratis en nuestras oficinas en Kammerling Onnestraat 6-B., o llamarnos a los teléfonos: 5940430 ó 5931763. Les esperamos!



# Yolanda Croes a celebra su 60 aniversario

**DIADOMINGO** anochi tabatin fiesta na Bucuti Yacht Club pa Yolanda Croes, kende ayera a cumpli 60 aña. E fiesta tabatin como tema “back to the 60’s” caminda a premia esnan cu a bin bisti manera den e epoca di añanan ‘60. Animation tabata den man di e agrupacion “Why Not”, cu a deleita tur presente cu e musica di antaño y a hiba nos tur bek den tempo. Di parti di AWE**Mainta** nos ta desea Yolanda hopi aña mas di bida y un pabien di curazon.

